

colore per corpus Dominicum, considerando scilicet tribulationem et passionem quam pro se sustinuit; et sic indulcorabunt ut tolerabiles fiant, quæ prius intolerabiles videbantur.

DUOHECIMA utilitas tribulationis est quod reddit homini certum testimonium quod Deus ipsum diligit. Unde Apostolus: *Ego quos amo, arguo et castigo*⁷⁴, etc. Et in Eccli.: *Qui amat filium, assiduat ei flagella*⁷⁵, hoc est assidue immittit ei aliqua flagella, unum post aliud. Sunnus Pater Jesus Christus semper filios suos sub aliquo flagello et virga retinet. Unde quando eripiuntur ab uno, sumuntur ab alio. Nec omnia simul immittit, sed post unum alterum; sicut homo post unam sagittam immittit aliam. Sed malos, qui in præsenti vita sine flagello Dei et disciplina vivunt, et quos nulla correctio ab errore trahit ab omnibus tribulationibus, quas in præsenti vita bonis particulariter immittit, et unam post aliam, et hoc ad purgationem suam, simul in futuro sagittabit. Omnia enim tormenta, quæ in præsenti vita per totum mundum divisa sunt, in futuro quasi in loco proprio requiescent. Sicut enim dicit Dominus: *Congregabo, inquit, super eos mala, et sagittas meas complebo in eis*⁷⁶. Si ergo, o anima, vis amari a Deo, noli rejicere tribulationes, quæ testimonium divini amoris tibi ostendunt. Sed si tu dicis quod de manu Dei recipient filii bona et mala, quare ergo receptio inalorum est magis indicium amoris Dei, quam receptio bonorum? Ad hoc respondetur: Certum est quod amicis

A suis spiritualibus mellora bona Deus confert, et illis quos magis diligit, sed magis dilexit Christum incomparabiliter quam totum mundum, et tamen multa mala et pauca bona temporalia ei contulit in hoc mundo. Imo secundum Bernardum, post ingressum uteri virginalis usque ad patibulum crucis nunquam habuit nisi paupertates et tribulationes. Consolatio ergo tribulationis et adversitatis est magis indicium Dei amoris quam consolatio temporalis prosperitatis. Præterea Jesus Christus Filius Dei, qui vixit in hoc mundo, sicut mercator, qui est in nundinis, eligit bonas mereas, et malas rejicit, sic elegit tribulationes et fugit prosperitates, sicut patet in Evangelio. Fugit enim in desertum, cum vellent eum Iudei rapere in regem; tamen non fugit, quando eum quæsierunt ad destruendum et occidendum. Imo et dixit eis: *Ego sum*⁷⁷. Dum ergo Christus fuit sapientissimus in eligendo, constat illos esse stultos qui contemptis tribulationibus et adversitatibus prosperitatem mundanam eligunt, quæ non valebit eos liberare de manibus imicorum suorum, scilicet dæmonum, in future. Sustine ergo tribulationem in præsenti cum Christo, ut tandem percipias coronam in regno cœlorum. Alter non intrabis in regnum cœlorum, secundum Apostolum dicentem, quod *'per multas tribulationes oportet nos intrare in regnum cœlorum'*⁷⁸; quod nobis concedat qui vivit et regnat omnipotens Deus in sæcula sæculorum. Amen.

⁷⁴ Apoc. 3. ⁷⁵ Eccli. 30. ⁷⁶ Deut. 32. ⁷⁷ Joan. 6. ⁷⁸ Act. 14.

TRACTATUS QUALES SUNT.

PROLOGUS.

Detur utinam episcopis Sanctionensi et Lemovicensi quam sobrie, juste et pie vivant⁷⁹; domino regi Anglorum duci Northmannorum et Aquitanorum illustri me scribere compulit pietas ac necessitas; pietas suadendo, necessitas urgendo. Ad hoc vero perficiendum sumptus longe ultra superabundasse, quam prius evangelici⁸⁰ menor consilii sedens computaveram, ego ipsa admirari non possem, nisi ex modico multum, ex exiguo plurimum accrevisse legisset⁸¹. Sed super his admirari compellitur, qui modica magnis audit majora, qui divitum opulentias auilit paupertate viduae superatas, quibus offendentibus de multo modicum, obtulit illa de modico multum. Vidua quoque Sarepthana, dum modicum, quod habebat non celaret⁸²; dum prophetam ex paululo pasceret; quod sibi filioque reservabat, paupercula laudabiles parcas, tantulum ipsum non

C desicerat laudabilius erogacitas impetravit. Modicum ergo modicus scribere proposueram, ne deditis pluribus oculos regis prælixitate paginæ tenendo, in commoda publica peccarem. Nec ad inchoantis vota peractum dissentiret opus, nisi vicinis proposito digressibus satisfacere tenerer obnoxius. Erant autem circa materia in deambulatoria quædam, ad quæ thematis ipsius importunitas lugubri lassum querimonia ine saepe coegit exire quasi per herbosam spatiatum, donec salubres animum auræ recrearent. Unde lætior in reditu postquam aliquantis per amœna visendo respiraveram, nesciebam donum sine floribus redire. Ipsa quoque materia me suo receptum alveo naufragum a se rursus expellebat. Sed quoniam portum cuncti riparum altitudo negabat, reluctantem saepe detinuit tenacium quas evolvere coeparam pelagus iniquitatum. Hinc conti-

⁷⁹ Tit. 2. ⁸⁰ Luc. 14. ⁸¹ Luc. 21. ⁸² III Reg. 17.

gisse videtur, quod cum in scribendo me modum epistolarem excessum iri nequaquam existimarem, excepto operi prius epistolæ nomen indidissem. In longius quam speravi stylo paulatim pertracto; brevis estimatione tractus quam epistolam incœperam, d'ique liber improvisus exivit. Cui, nisi forte alius regi congruentius videatur materiae satis convenientem apposui titulum: *Quales sunt.* Licet enim: Quales habent, tot in fere subditum opus insinuet; quoniam, res quales habent, quales dicti sunt patres velut in speculo conspicitur: ab hac prima sui parte libellus sine columna prætitulatur. In quo me non parum excessisse fateor, quod tantæ scribens altitudini conceptum de vis's illorum actibus risum tenere non potui, tristibus horum jocis sæpe compulsus adjocari. Sæpe quidem, velle nolle, risisse

A me memini, risu tamen solo, nisi quæ soli movere dolores. Unde, et si multis in locis maxime in secunda et quarta parte, regi legenda libellus offerat verba jocosa; non minus ibidem veritatem constare suspicetur. Ludere autem cernuntur in superficie lecta, quæ non ludere sentiuntur intellecta. Libellum ergo rex accipiat et legat. Nam, nisi fallor, non regem legisse, nec me compiegisse possebit; ubi et rex sibi, et ego mibi, et multa multis utilia, si totus pure legatur, invenientur. Quem idcirco per partes et partium particulas distinctum prudentia noverit, ut eum totum simul a rege legi, et scripti prolixitas necessaria et varia regis negotia prohibeant, quoties se ad aliam translatuero electionem intercidere regi placuerit, quando et ubi B voluerit, metas praesto reperiatur.

EXPLICIT PROLOGUS.

INCIPIUNT CAPITULA PARTIS PRIMÆ.

Quatuor itaque sunt partes istius libelli. In prima parte ostenditur quales sunt dicti Patres; et ab hac prima parte, totum opus appellatur *Quales sunt.* In tribus sequentibus ostenditur: Quales habent. In primo harum trium agitur de nepotibus episcoporum, primis, secundis, tertii, et deinceps usque ad infinitum. In secundo, de adulatoribus, qui cum nepotibus pontificum primas sedes obtinent in majoribus ecclesiis. In tertia de emptoribus ordinum et ecclesiarum, qui minoribus ecclesiis presunt. In fine ejus breviter continetur honestorum expulsio, et lugubris querimonia Ecclesiæ pro filiis ad regem clamantis. Est autem quæque pars distincta per capitula.

Capitulum 2. Non esse de voluntate scribentis acelera satis aperta aperiens. Aperit tamen, ut isti cossent, et alia similia non inchoent.

2. Quod hoc opus inchoanti oppositæ se ingerunt cogitationes.

3. Expositio primi capituli.

4. Quod sibi det ausum scribendi, utilitas operis, pietas regis, charitas foras mittens timorem.

5. Quod non debeat dici: Os suum posuisse in

cœlum.

6. Quod oculo suo manente simplici, non curat quidquid dicant æmuli.

7. Mentio de bono et bonis pastoribus, ut ab illis isti removeantur.

8. Remotio eorum a cæteris, quoniam non habent fidem, quæ cæteris eos connectat.

9. Quarit utrum per ostium intraverunt. Ut postea ostendat, quod non, et quare non.

10. Quod non per ostium intraverunt, quoniam superbe venerunt.

11. Quod uteque pessimus omnium, alter tamen altero pessimo pejor.

12. Quantum per omnia discrepent a bonis pastribus.

13. Quales eos dicat, quærerit et invenit; sed: Quos eos vocet, non invenit.

14. Quod non debent dici pontifices.

15. Quod non antistites.

16. Quod nec præsules.

17. Quod nec episcopi.

18. Quod nec pastores.

19. Quod nec prælati.

INCIPIT PARS PRIMA.

CAP. I. *Quales sunt Patres prætaxati,* significatur ego regi, silere quidem mallem atque celare; nam super hoc meus mihi pudor supplicat et lacrymæ; sed nimis dura loqui cogor, quia nimis duriora formido. Nec eorum scelera tegere quoq; quæ etiam, me tacente, cœli revealant, quæ irreverenter cernit orbis detecta; nec per me magis minusve celaretur, si ruris fabulam urbiumque susurrum solus ego tacerem, vilis homuncio; et quæ cœlo terraque testibus sileri possent, nullis ego deessem veritatibus. Hos enim tanto evidenter dudum audita publicat infamia, quanto profundius avaræ cupiditatis abyso

D sopitos, execrationis antro sepultos, obstinationis desuper cumulata congerie comprimit eos et occultat nominari formidans ignominia. De cæteris, qui cæteros non novi, non loquor ego prælati. Præsertim cum horum nomine tenus episcoporum digna prælatio non mibi, sed q̄rbi, sufficientem parit loquendi materiam. Si qui tamen, quod absit! his in orbe similes inveniantur, quos infamibus similis associet infamia, non est nostrum inclusos hinc excludere; sicut nec nostrum est inter infames includere, quos ab istorum infami commercio secludit honestas. Unde ne similes his siant cæteri Aquita-

nostre pontificibus, qui dulcis et periculosae baculo A sustentationis noviter inniti cœperunt, non parum eavendum est. Nam nisi vigiles instanter excubando sibi providerint, quæ jam capita decalvavit vicinia sua, me dolente, scabies eadem depilatius enudabit. Hujusque pestilentia sive pestifero morbo eodem quasi pastu refectas metuo, totus, quod Deus avertat ! gres peribit, et ab hoc immunes adhuc contagio cathedras subvertentur.

CAP. II. In his igitur quæ dicturus sum, nimis hæsitantem et ambiguum me facit quæ se repente objicit innascentium multitudo cogitationum ; et ubi sigatur vix lumen deliberationis anchora in animi fluctuantis profundo, diuque versantis ex insperato, in quam subito cecidi, Charybdis aggrediar. Memet enim ipsum tanquam profundum quoddam ingressus sum, nesciens Deus scit qua emersurus.

CAP. III. Proposueram aliquid scribere ; qui plenius securiusque scriberem alii, si me scribere regi præsumptio est. Quis enim sum ego, qui regi scribam ? Aut quomodo damnum regis Ecclesiæque celabo ? Qua fronte loquar ? Qua mente tacebo ? Illud supra me est, istud contra me. Illud quoque non parum angit me, quod si patribus obloqui videar, in cœlum os ponere nostrum me plateæ prædicabunt. Imminet utrobique periculum ; nam loquendo reperient me cæteri vero humilem, tacendo repriauit ego me cæteris inutilem esse. Neutra viarum fore tuta conspicitur. Altera tamen mihi tenenda non irrationaliter eligitur. Publicum enim tacere damnum periculosius perpendo, cum rationi deliberranti se ingerit illud prophetæ dolentis : Ver*o* mihi quia tacui¹¹ ! Et me tandem siluisse magis pudendum esse decerno, quam ab æmulis et depravatoribus superfluum et præsumptuosum scriptorem appellari.

CAP. IV. Hinc inest mihi scribendi domino meo regi generosa, sed non contumax audacia. Cui scribere mea quidem non vetat insecitia, sed dat ausum audita regis humilitas, audita misericordia. Quem rex humillimus ille qui non venit ministrari sed ministrare¹², non solum cœlestis doctrinæ auditorem sed auditæ factorem fecit¹³. A quo non incassum audiuit : *Quanto major es, humili te in omnibus*¹⁴. Audax etiam audacem me facit charitas foras emitens timorem¹⁵ ; quæ me non mihi scribere jubet, sed communi oppressorum utilitati, qui in Aquitania, tanquam in alia Ægypto, dudum luti et lateris afflicti laboribus, sub venerationis gratia obsequentes, dictis patribus, quasi sub totidem Pharaonibus genentes, quod inauditum est, in dominibus suis exsuffiant, et in hereditatibus propriis exhæreditati intercidunt. Adsit hæc et augeatur, et aucta permaneat, quæ cœpit huic incepto consulere charitas, et charitati præsto sit veritas, ut zelum Dei habeam secundum scientiam, et serpentina columbinæ non desit astutia simplicitati ; ut sit in electione discreto, sicut in imitatione dilectio.

¹¹ Isa. 5. ¹² Marc. 10. ¹³ Jac. 1. ¹⁴ Eccl. 3. ¹⁵ Luc. 11. ¹⁶ Matth. 6. ¹⁷ Ibid.

CAP. V. Universos unum unus ego deposito; qua tenus impietatis patres liberum et insolentem me arguant. Quoniam risus Cham excusabilis et sine culpa maneret, si fratres inter alios Noe pater illius esse dignatus fuisset¹⁸. Sed quia, quem inter extremos medium ordinata mystice nativitas includebat, pater benignus a dilectione paterna non exclusit ; merito maledici meruit, qui patris pudenda non operuit, cæteris videndo revelavit. Nec in cœlum os me quisquam posuisse contendat : quod quidem verum esset ; si patres dicti, patres essent. Sed illorum filii nulli sunt, cum nullorum ipsi patres existant. Illos ego patres pauperum et refugium olim opinabar, ut cæteri ; quod postea certius deopinabar ut cæteri. Cur enim patres habendi sunt, cur qui filios habere nolunt, et si casu natos alicibi percipiunt, illico necari præcipiunt ? Nunquid, propter feminas, quas reservant, patres appellandi sunt, qui masculos occidunt ? Sic pater Israelitarum Pharao dici posset, quorum magis dicendus erat interemptor. Pauperum vero refugium, quis eos opinetur ? A quibus, ne pauperis ad illos fugientis fuga Sabbatho vel hieene fiat¹⁹, iugurum fugere pauperem docet pauper expertus. Quærite, inquit, et invenietis; petite et dabitur vobis²⁰. Quare vero quæreret aut petet aliquis, si quæsitus contraria quærens inveniat, et petenti non detur nisi quod sibi displiceat ? Sæpe nondum experti petunt ab his egeni; quibus pro pane lapideum, pro pisco serpentem, pro ovo porrigunt scorponem²¹. Illos enim adeo probantium improbat necessitas, ut in turpi experientium repulsa, apud omnes primum celebris felix omnino pereat opinio. In quibus opinionem bonam priuio decoloravit suspicio nequam, quam denique consummatio terminavit infelici, repente veniens sinistrum quod timebatur

CAP. VI. Scio, scio ego, nec me latere patitur magis æmularum obrosis non deesse, qui me deinceps tanquam de otioso et non necessario suggilient opusculo ; clamque palamque me dicant hominem, qui de hujusmodi etiam mutire non habeam, osque meum tali dictu duris dignum contundi lapidibus. Quos patienter audire satius erit, quam nugis ventosisque verbis sine sono, verba dare sonantia. Quidquid in vulgi auribus muti mussitent susurrones, quidquid apud aulicos canes oblatrent ; paulatim innocentia manebit illæsa, et justitia sufficiet defensioni. Sit duntaxat corpus totum lucidum, oculo manente simplici²². Quem vero simplicem faciet, qui simplicem facere cœpit ; faciet vero simplicem, ut fallere nolit, nec falli possit, qui simplicem facere cœpit, nec fallere velit. Faciat fallere nolentem, ne pietatem amittat bono carendo zelo ; faciat nulli renuentem, ne cautelam non habendo, vero careat judicio. Oculus enim qui facile non fallitur, sed facile fallit, erui præcipitur, quia nequam est²³. Oculus qui non facile fallit, sed facile falsus est, cæco non

¹⁸ 1 Joan. 4. ¹⁹ Gen. 9. ²⁰ Matth. 24. ²¹ Matth. 7.

præbet ducatum, quia cæcus est⁴⁸. Adsit ergo prudenter simplicitas, ne ignorantia de malitia nascatur! Adsit simplicitati prætentia, ne malitia revealanda per ignorantiam tegatur!

CAP. VII. Meminit me summi pastoris illius qui dixit: *Ego sum pastor bonus*⁴⁹. Bonus addidit, quoniam malos esse non latuit. Quia enim ei omnia præsentia erant, omnes etiam hunc loquendo cernerat. Pastores bonos et malos, eujus conspectui præteriti non præterierant, nec erant futuri qui nondum erant. Videbat igitur omnes malos, a quibus omnibus se sequestravit, cum dixit: *Ego sum pastor bonus*. Sed nunquid mali pastores, pastores sunt? nonne magis fures et latrones, aut inutiles mercenarii? *Omnes*, inquit, *quotquot venerunt, fures sunt atque latrones*⁵⁰. De omnibus hoc dixit, qui præter eum venerunt, et præter eum venturi sunt. Non enim hoc dixit de bonis pastoribus antiquis, qui eum prævenerunt, sed de bonis qui ei successerunt; qui non propter eum, sed cum eo venerunt. Cum eo venerunt; quia *in principio erat Verbum*⁵¹, et illi cum Verbo Dei venerunt. Cum eo venerunt; quia ipse est veritas, et ipsi veraces fuerunt, et eamdem fidem boni præcedentes et succedentes habuerunt.

CAP. VIII. De supradictis vero pastoribus et his similibus quid dicimus? Nam bonis eos eadem copulat fides, ut non dicantur præter Christum, sed cum eo venisse? Quare hoc? Quid efficit fides eorum? Nonne mortua est? Et quia sine operibus est: *Fides*, inquit, *sine operibus, mortua est*⁵². Ideo mortua, quia non viget in ea vegetatio actionis. Ideo mortua, quia non movet, nec regit animam ad gaudia patriæ cœlestis. Fide hujusmodi dæmones insigniti sunt. Credunt, et nihilominus eis præparatur eternum incendium. Quippe fides sine opere, flos est sine fructu, manipulus sine grano, moneta sine argento. Si nihil in eis efficit eorum fides, non eos eis connectit qui cum Christo venerunt; in ovile non per ostium intraverunt. *Qui non intrat, inquit, per ostium in ovile orium, sed ascendit a iunde, sur est et latro*⁵³.

CAP. IX. Duo vero quos proposuimus, nunquid per ostium intraverunt? Negant hoc qui neverunt, negant qui intrare viderunt. Dico ego, et scio quod ostium hoc humile est; veniente ad hoc ostium oportet incidere plano pede, ut non offendat; humiliari, ut sano capite intret. Humilis enim janua Christus est, humilius hujus janua ipse idem janitor humilius. Janua, quia per eum intrantur; janitor, quia ipse se januam aperit. Non dubitet eam esse januam et janitorem, ostium et ostiariū, qui audit dicentem: *Ego sum ostium ovium*⁵⁴. Non solum enim per hoc verbum Christus se ostium, sed ostiarium indicat, cum quis ipse sic aperit; aperit qui prius ignota nota facit. Quæcun-

A que enim, inquit, audiri a Patre meo, nota feci *tobis*⁵⁵. Factus igitur ostium, et ostiarius; simul factus pastor, ovis et agnus; ut ipse ovis innocens, et agnus immaculatus, maculas emundaret, et mortem destrueret pastorum et ovium. Legitur Evangelium, et pastor invenitur. *Ego sum*, inquit, *pastor bonus*⁵⁶. Legitur propheta, et invenitur ovis: *Sicut ovis ad immolandum ductus est*⁵⁷. Interrogatur amicus sponsi, et ab ipso Agnus auditur: *Ecce, inquit, Agnus Dei, ecce qui tollit peccata mundi*⁵⁸. Pius itaque pastor, ovis, agnus, ostiarius humiliis, et ostium, aperuit unquam his quos proposuimus, si nunquam intrare humiliter proposuerunt, si ad humilem januam contumaciter et superbe venire præsumperunt? Absit!

B CAP. X. Quomodo non superbe venerunt, quorum alter manifeste, contra ipsum ostium nimis erectus; alter, nimis occulite, erecto erectius contra ostiarium, qui et ipse ostium est, venit minus inclinatus? Uterque nimis præsumpsit, uterque nimis ascendit; sed plus nimio ascendit, qui plus nimio descendit, nimia enim hunviliatio nimia est elatio. Unde illum contra ostium, istum dixi venisse contra ostiarium, licet idem sit ostium et ostiarius; quoniam apud homines plus esset contra ostiarium, quam contra ostium. In domibus enim est major ostiarius ostio; major enim est qui præponitur, quam cui præponitur. Uterque enim nequam, uterque nequissimus fuit. Sed nequissimo nequior fuit, qui iram Dei provocavit. Pejor enim est qui iram Dei provocat, quam qui meretur. Meretur, qui manifeste peccando cœteros corruptit; provocat qui, cum introrsus sit turpis et incestuosus, appetit videri pulcher et castus. Uterque prælulit quando et quantum potuit. Et uterque sic prælatus, superbus patuit et elatus. Superbo vero superbior fuit, qui superbiam tumorem humilitatis cataplasmate compressit.

C CAP. XI. Quoties hunc pessimo pejorem ad memoriam reduco, alterum ex toto dimittere volo. Quoniam major hujus iniquitas me loqui contra se compellit. Unum tamen de utroque sentio. Quoniam quæcumque quibuslibet pseudopontificibus, ut uniuscujusque propria sunt, unicuique congrue, distinguendo possunt attribui, istis simul attributa sunt, minus convenienter omnia convenientiunt. Cum enim aliorum alii fures sint sive latrones, sive mercenarii; isti totum sunt, et adhuc nituntur ut lupi sint. Fures sunt, aliena sua faciendo; latrones sunt, quæ furati sunt interimendo. Mercenarii, quæ sua sunt, non quæ Jesu Christi quærendo⁵⁹ ac, viso veniente lupo, fugiendo. Adhuc et lupos se faciunt; qui non solum dimittunt oves, sed dispergunt et laniant⁶⁰.

D CAP. XII. O quantum a pastoribus primis per omnia discrepat hæc male mutata posteritas, qui

⁴⁸ Matth. 15. ⁴⁹ Joan. 10. ⁵⁰ Ibid. ⁵¹ Joan. 15. ⁵² Jac. 2. ⁵³ Joan. 10. ⁵⁴ Ibid. ⁵⁵ Joan. 15. ⁵⁶ Joan. 10. ⁵⁷ Isa 53. ⁵⁸ Joan. 1. ⁵⁹ Philipp. 2. ⁶⁰ Joan. 10.

ubicunque ministerium suum honorificabant, qui Christi bonus odor erant in omni loco ¹⁹, quorum fama celeberrima et vita continentissima! Lux vero nostra, dicti pontifices, non lumine tenebras, sed tenebris lumen effugat; non splendore nos irradiat, sed fumo atro nos molestat, stellas obtenebrat, solum offuscat, cœlum obnubilat, terris noctem ingerit. Quam non lucere non tantum dolorem, si minora quæ penitus extinguit, sineret lucere lumina. Hos male mutatos minus plangem, si domus Dei stabilis in pristino statu maneret. Sed ipsi male subversi, semper ejus subversionem moliuntur et ruinam. De his et sibi similibus credo prophetam idipsum locutumuisse: *Venerunt, inquit, structores tui destruentes te* ²⁰. Funditus enim eam evertere conantur; et ædificium cum fundamento mutare mutati leguntur architecti: *Fundamentum, inquit, positum est, præter quod nemo aliud ponere potest* ²¹. Quomodo vero non aliud positum esse credet simplicitas, ubi non modo fundamentum, sed quidquid sunt autem erat, subverti videtur? Quid enim mutandum restat? Ubi, ut nonnullis visum est, fundamentum jacit hypocrisis, adulatio paries erigit, avaritia tectum consummat, consummatum ædificium dolus et falsitas ornant. Legi bonos, optimos ac meliores, qui supra petram Christum solidam ædificant aurum, argentum, lapides pretiosos. Sed optimates isti aliter forte legerunt; quos nil superædificare videntur, nisi ferrum, æs et plumbum. Quos ita superædificantes, diruere convenientius quam superædificare dicimus.

CAP. XIII. Quales eos satis digne dicere quo; quos dudum avaritia coagit ante Baal genua curvare, cum morte pactum facere, cum inferno fœdus inire. Apud quos imperat aurum, judicat argentum; leges canonesque silent, locum ratio et æquitas non habent. Ubi virtus, ubi lex, ubi sacrorum auctoritas canonum, ubi disciplinæ censura, morum gravitas, maturitas consiliorum, auctoritatis pondus insigne, reverentia majestatis? Ut ilumen oculorum nostrorum, ubi pectus nostrum, ubi lingua docens, ubi manus indefessa; lumen oculi simplicis, pectus consilii, lingua docens judicium, manus ab opere bono non torpens? In his, horum nulla, sed his contraria reperiuntur. Quales eos esse digne dicam; hoc digne satis invenior; quales se indigne fecerunt. Sed, quos eos digne vocem, digne non invenio. Usu tamen eos didicimus vocare pontifices, prelatos, pastores, episcopos, et hujusmodi nominibus. Sed si vere pontificum sunt haec nomina, non eorum quos veris pontificibus in omnibus et per omnia novimus oppositos. Unius tantum

A significationis nomina, contrariis minime convenient rebus. Nec nomine vocandi sunt, qui rei nominis non habent.

CAP. XIV. Cur igitur pontifices dicemus, qui se cœteris pontes non faciunt? Pontifex vero dicitur, qui supra mare hujus mundi factus est pons, usque ad Deum et proximum pertingens. Usque ad Deum pertingit, ex fiducia quæ non suam sed illius gloriam querit. Usque ad proximum, ex pietate qua ipsi non soli sibi prodesse desiderat. Sed nunquid tales isti? Quis insensatus dicit pontem, quem nullæ juvent bases, quem mare cadente recipit, et se profundius involvit?

B CAP. XV. Antistites dicere possemus, quia stant contra subditos; sed quia contra demones non stant, quos contra se cernunt erectos, antistites digne dicere non valemus.

CAP. XVI. Præsules vero quare dicerentur; qui dignitatem et gloriam suam alteri dederunt? Quomodo præsulare creduntur, idololatræ facti, quibus archipræsul imperat avaritia?

CAP. XVII. Episcopi, qua ratione dici debent, qui divinitus sibi datum os sublime, non ad superna erigunt, non querunt quæ sursum sunt; sed pronius pecoribus corporis sensibus incubant, insimilis inhærent, terrenis inhiant?

C CAP. XVIII. Pastores quis nisi satius aestimat, se pascentes et non oves suas; qui lac ovium comedunt, et lanis sè induunt? Hos Spiritus sanctus pastores esse negat, cum dicit: *Lac ovium consumitis, et lanis vos legitis; quod infirmum est non confortasti, agrorum non corroborasti; quod perierat non requisisti; quod forte sicut confregisti; et dispersæ sunt oves meæ, eo quod non sit pastor* ²². Dispersas dicit oves, quia non est pastor, licet malos habeant pastores. Dicam ego pastores, qui non sunt? Afferam ego, quod Deus negat? Absit!

C CAP. XIX. An prælati dicandi sunt, qui se, quando necesse est, non præferunt? Qui adversario more leonis rugienti se non opponunt? Qui, viso lupo, fugiunt dispersarum immemores ovium? Qui non se nobis præferunt, ut pro nobis præferant, sed ut sua nulli conferendo, nostra nobis auferant? Nonne magis dicendi sunt elati quam prælati? Qui nostro non premuntur onere, sed nostro super nos, et contra nos honore eriguntur. Quos igitur eos vocabimus? Scio, et dico multos esse vere pontifices; sed qui tales sunt, pontifices dicendi non sunt, sed pseudopontifices. Si tamen, usum sequentes, his eos nominibus appellemus, veniale nobis esse credimus. Non enim mirum est, de his qui dicunt et non faciunt, si dicuntur et non sunt.

EXPLICIT PARS PRIMA.

INCIPIUNT CAPITULA PARTIS SECUNDÆ.

CAPITULUM I. Quales habent in majoribus ecclesiis.

¹⁹ II Cor. 2. ²⁰ Isa. 49. ²¹ I Cor. 3. ²² Joan. 7.

2. Quod nepotibus dant quæcunque possunt.
3. Hæreditario jure canonias ab his obtineri.
4. Esse qui consulat hominem ignotum, et sine parentibus eligendum, propter Iujusmodi mala.
5. Quod i*am* consilio non sit credendum.
6. Quod non erat humilitas in vili persona quam elegerunt, sed humiliatio fallax.
7. Quod modo nihil de pristino statu retinet, nisi oculos obliquos.
8. Fecisse homines pro eo quidquid dicerent.
9. Deceptos omnes fuisse per exteriorem similitatem.
10. Quod modo notus est a cæteris, qui se noscere et cæteros desiit.

- A 11. Quod nullo bono perstitit ex quo ab humiliitate cecidit.
12. Quod nullum habere putabatur parentem, qui sublimatus habuit infinitos.
13. Quod eligi non debet talis, a prædictis et a sequentibus subinfertur.
14. Quod iterum parit egregie fortuna, quos quomodo terra pepererat :
15. Oportere primo exuere veteres homines, et mox induere novos.
16. Quod momento uno fortuna facit eos curiales, discretos, astutos.
17. Quam celebris sit eorum iterata nativitas ; quique axis hucusque vixerant duriores, quam subito fiant graves, delicati, teneri.

PARS SECUNDA.

CAP. I. Quales secum habent, quales præferant ecclesiis, quem latet hoc ? Sibi similes. Sunt in partibus illis majores et minores ecclesiæ. In majoribus primum locum tenent primi nepotes episcoporum; secundi secundum; et ita deinceps donec loca desint. Unaquæque loco sibi congruo nabit progenies, et quasi quedam copula conjugalis vinculis astricta sterilibus maritatur secunditas. Nepotes autem dico quoslibet illorum carne, moribus et vita cognatos; quibus applaudunt, quibus thesaurizant, quos sibi præparant successores antistites nos'r. Qui pacem habere nequeunt donec videant nepotes et pronepotes suos, aut filios filiorum suorum, tribulationem et iram super Israel. Talibus tales associantur filii patribus, discipuli magistris, congrua dominis familia.

CAP. II. His patres acquirunt, servant, rapiunt, custodiunt. Acquirunt solliciti, servant sollicitius, rapiunt moleste, custodiunt molestius. Discurrent, torquentur et genuunt, augere desiderantes quod ad filiatis relinquant hæredibus. Nec de rebus miseri tangere permittuntur, quas post se futuris servare nituntur. Commendata namque depulant, quæ ad successores etiam in vita transmittant. Quibus utinam aurum, argentum, et fori divitias ad male sortitos transmittere sufficeret hæredes; ut etiam non cogeretur Ecclesia pro suis alere alienos, pro filiis sovere filiastros, quorum pugnis pectus illius assidue tunditur, dentibus ubera lacerantur. Eliminarentur utinam Ismaeles; ut, cum filiis liberæ filii non hæreditarent ancilæ ! Quod longe aliter est. Ab his enim et cæteris dignitatum audiimus officia, cujus nulla unquam audita fuere merita. Dona narrantur, sed nulla donorum cause tractantur. Promotions audiuntur, sed promotionum negotia non audiuntur.

CAP. III. In nihilo deinceps, aut minimo degene-

B rantes a patribus filii, quanquam firmata sit supra firmam petram, domum Dei diridunt, ac etiam elevant; ad hoc unum nitentes, ut locum ejus desolantes comedant Jacob, nec memoretur *nomen Israel ultra*; qui jam certi se successuros hæredes, ad invicem dicunt : *Hæreditate possideamus sanctuarium Dei*². Ex hinc genimina viperarum, gens incircumcis corde et aure, hæreditario jure canonicatus obtinet, proh dolor ! perniciosa hæc et ex-hæredans hæreditas. Consuetudinis jure carnalis, gratia possidetur spiritualis, et tamen gratiæ stipendum non facit hæredi testamentum. Perit enim gratia ubi hæreditas principatur. Sic canonicum fieri est, exire de ecclesia, non ecclesiam intrare. Sic intrantes, non sunt hæredes Dei, non cohæredes Jesu Christi. Tales ad se vocantes pontifices nostri, si forte videant paucos interesse dissimiles, nec eos vocant, nec diligunt, licet honorent coacti : nimis oblii summi pontificis illius qui, cum cognatos haberit apostolos, nullum eorum præfecit aliis, sed alii super eos primatum concessit.

CAP. IV. Est forte qui hominem ignotum, et de nobilitate parentum vel amicorum non suspectum, consulat eligendum; et dicat, in electione pontificis, providentia consilio præmunita valet electuros, et providendo utilis potest adhiberi cantela; ut videlicet homo vilis, scientia modicus, fama nullior, sibi notus, ignotus orbi, sublimitatem abhorrens, sublimis subito factus episcopetur. Si non talis in urbe, non deerit talis in rure. Si non reperiatur in oppido, reperiatur in eremo. Multos habet tales eremus exsili exiles eremicos; quos, licet quotidiana penuria intrare coegit, de cogenti tamen in spontaneam felicius se transtulerit paupertatem. Felix quidem est necessitas quæ in melius cogit. Ipsi mundum contemnunt, mundum in mundo fugiunt, quorum adhuc in terra viventium conversatio

¹ Psal. 82.

in cœlis est⁸; quos adhuc detinente terra peregrinantes in tabernaculis, cœlum jam suscipit habitatores in domibus. Isti pennas assumunt, volant et non deficiunt. Volant enim super pennas ventorum, usque dum cœli spatia sibi subdant, ac pene penitus in cœlo consistunt. Pars etiam tantilla, quæ vix in terram restat, terram odit, terram detestatur, ad cœlos tota spirat, tota cœlis inhiat. Isti de superfluis non curant, necessaria sibi dimidiant, carnem insequuntur, spiritum ditare nituntur; quorum facies divinum quiddam portendit, humannum omne transcendit; hominem facit admirari, stupere, horrere; quæ scilicet hominem cum angelis indicat habere commercium. Isti se parentes habere nesciunt unde venerunt. Tales sine damno credo posse sublimari. Ne credas iniquo.

CAP. V. Ne credas, dixi: Non enim omni spiritui credendum est. Scio eremicolam olim pontificem; qui, antequam esset qui modo est, totus angelum sapiebat, angelum vincebat. At superinduto pontifice tunicatus latuit eremita, et super humeros illustrium incathedralitus, capitis umbram cornuti prospexit longe anteire per urbem. Se devovit protinus, se descivit, sui penitus oblitus qui fuerat; et in lethargiam subito prorompens, hujus infortunio passionis se felicissimum in corde jactavit. Quem si inter cæteras quæ se gratis offerant cogitationes, deinceps evasit eremi recordatio; illico præsto fuere formido, timor, horripilatio. Et quoniam præ omnibus quæ sibi placebant, eum C eremi delectabat oblivio, totus sicut eremus, sic eremitam, licet non exxit, exvir. Oblitus itaque sui devovit, ac cæteros qui hoc ad usque tempus nec se, nec alium noscere dignatus fuerat; et eum paulatim agnoscere cœperunt, qui tunc usque devoverunt; quem sic utinam a principio novissent! Nam, si ruditus adhuc hominis tergiversatio pateret urbanis, si multiformes illius inteligerent fucos; silvestres adhuc colerent saltus et lucos. Si primum rudentinis bene novisset, ille Ægyptius velut a Moyse sepultus, adhuc in sabulo dormisset, et nunquam de luce ad lucem exisset; sed qui cavere didicerant a superbo et nobili, cavere nescierunt ab ignoto et humili. Et, quos fallere non potuit superbia, omni homini suspecta, facile fefellit humilitas hominis, ab omnibus aspecta.

CAP. VI. Non tamen erat humilitas, sed humiliatio fallax. Non erant virtus, sed virtutis actus similis actio. Gloriosa quippe res humilitas; qua ipsa etiam superbia palliare se appetit, ne vilescat. Humilitatem in vultu prætendebat, qui persecui humilitatem intendebat. Ovem in facie simplicem ostendebat, qui rapacem lupum in mente occultabat. Tunc fermentum parabat, quo cleri plebisque massam corrumperet. Tunc se longe retro post cæteros faciebat, quo præ cæteris longe anteficeret; ut majori de longe remeans impetu posiliret lon-

B gius. Qui ut clero præferretur, et populo, locum sibi fertilem sterili præparavit in sabulo; ut quæ creditori semen negat mandatum, arena, fertilem ei pareret episcopatum. Cui etiam locus ipse multum deferre nostrarer admonuit, quem quia remotus erat a locis publice peccantium, sanctitatem præstare credebant. Quod si esset, nec Satan e cœlo, nec Adam caderet in paradiso, nec Lot in monte peccaret, qui in Sodomis sanctus exsisterat. Locus tamen iste, quoniam arenosus et exsili erat, plus cæteris homini sicco et exsili congruebat, cui nihil pingue, nihil carnale placebat. Cui refectione dulcis, satietatis jugis erat esurie, potus jucunditatis, sitis assidua. Quippe totus erat in spiritu, cuius fere tota caro defluxerat in lacrymis. De quo non est hominis dicere, quam pius, quam sanctus oculus orbis apparebat, quantum ab homine homo distabat.

CAP. VII. Nunc vero nihil in se pristinæ retinet consuetudinis, nisi unum solum, quod a puer consuevit; alterum videlicet tanto aitius obliquare oculum ad supra, quanto inferius alterum ad infima declinat. Ut quoties ipse loquitur, solos, quos in terra prospicit, cernere cernatur oculus alter auditores, alter intendentis eidem sermoni, totum pontificis verbum fieri portendit ad oves in aere. Quod in argumentum probitatis et sublimitatis suæ sumptum, multos ad promotionem illius incitavit. Nam, cum illum sibi loquentem altero liberius et expedite cœlos oculo rimari, altero nimis lentiter et laboriosius necessariis hominum usibus in terra providere cernerent, Deo gratias egerunt, quod utroque Rachelis et Liæ lumine caput unum ingagnum invenerant. Multi quæ opinione sua rem subtilius intuentes, non mediocriter eos peccare dixerunt, qui lunam alterum ab alterius contemplatione delineabant. Quibus convenientius videbatur, ut in eodem homine, Petro in Joannem, Martha in Mariam transvolante, totum in spiritu conversus homo cœlos liber intrare siperetur.

D CAP. VIII. Sed quid hæc contra? Omnes pro eo loquebantur, omnes pro eo faciebant, quando de eo altiora prædicabant. Omnes ad illius libitum promotionis intendebant terminare negotium. Quis enim se subtraheret ipsius negotio sanctitatis? Erat apud omnes de homine ignoto, quæ ignotum deseruit sancta et admirabilis opinio. Opinabantur alii melius de eo, alii optime, omnes bene, sinistre nulli. Omnem enim auferebat suspicionem aspecta in homine sanctitas, visa in eo religionis mira compositione, una fuit omnium voluntas, una cor ium concordia, affectus unus animorum, eademque sententia senum, juvenum et puerorum. Quippe universos univit in unam unius admirationem personæ forma hominis contemptibilis, habitus vilis, incessus humilis, humilis vultus, demissio pudica, gestus moderatio, suavis prolatio vocis,

⁸ Phil. 3.

pudor in facie, pallor in ore, macies in corpore toto, tremor in exultatione, laetitia in timore, timor in servitio.

CAP. IX. Nec mirum fuit homines admirari in homine probitatis signa, cum adversantia probitati majori etiam admiratione digna dicerent qui aderant. In tantum enim videntes olim oculos et ingenia, quondam proborum ingenia, hebetavit opinata in extra simplici religio, ut quæ ipsi naturæ placuit in eo formare deformia membra, inter cæterā magis torta laudarent et obliqua; et cui communem cæterorum visum natura negabat, cæteris illum videre clarius assererent. Quibus sua suasit credere fatuitas. Ut quid mutante natura minus ille receperat in datum optimum, totum ei larga præamantis gratiae manus abundantius restitueret in donum perfectum. De quo magis credendum erat, quod exterior inferioris est nota deformitatis; ut qui oblique cernebat, oblique decerneret; qui oblique videbat, oblique disponenda cogitaret, oblique præcogitata disponeret. Non deferendum erat oculis, licet plus cæteris palpebras aperiebant, quorum pupillas albugines operiebant. Albugines non solum exteriorem visum obnubilant, sed obnubilatum interiorem designant. Nisi enim albugo et scabies intimam animæ significarent corruptionem, non sanctam habentibus negarent administrationem, nec in lege prohiberentur hujusmodi promoveri. Sed tam diu nos latuere significantia, quousque præsto fuere significata.

CAP. X. Modo notus est ab homine, qui se desilit hominem noscere. Notus est in persona non in homine, qui manserat ignotus in homine non in persona. Incepit paulatim a paucis agnoscit, quem ultius progrediendo magis magisque neverunt universi. Modo notus est extra se, qui mansit ignotus quandiu transit apud se. Modo humilitatem simulare, sine simulatione dissimulare non potest. Murmurat, frenet, irascitur, frontosus et impudens factus, facile satur, facilime minatur, ardescit ira, tollitur insania, furore fervescit; nec in flagitiis vires illius debilitat dierum antiquitas, quem ipsa senectus animore videtur ad scelerata. Nec mirum: suum est enim scelerum, ut, dum non resecantur, increcent, et in augmenta criminum proslitut quoties impunitate secura peccatur. Unde furor ejus non minuitur, non refrenatur, ardecat, in poenis magis accenditur. Concepit facinora, sed concepta festinanter implet. Disponit scelerata, sed instantissime perpetrata. Nec ut sua solus exerceat flagitia, suæ patiuntur divitiae. Factus enim dives arcu, non merito; possessione, non genere; nomine, non honestate, multa secum et minis et muneribus compellit insaniire millia; et unus ipse demens dementes efficit multos; ut de ipso recte dici videatur: *Currit adversus humiles et erecto collo, cervice armatus durissima*⁴; incedit erectus et tanquam onager se libe-

rum natum putat. Et sic ab humilitate in qua stare videbatur, in superbiam corruisse probatur.

CAP. XI. Ab humilitate vero in superbiam cadens, a quo bono in quod malum non corruit? A nullo, si nullum habuit. Sed, si habuisset quæ habuisse et habere videbatur, corruisset a charitate in odium, ab humiliatione in elationem, a largitate in rapinam, ab interiori proscitu in exteriorem gloriam, a pietate in crudelitatem, a fide in perfidiam, a spe gaudii sequentis in desperationem, a patientia in iram, a pace in jurgia, a lacrymis in risus, a consideratione vitæ mortalis in volupiatem. Verumtamen tota fraus sua, imo totus suus ipse fraudis, imo tota ipsa fraus, totus ipse modo fraudatur; nam, qualis erat ante, deprehenditur modo, fallitur cum foris agnosceatur, et intus, notatur ab omnibus, indicatur ab omnibus, eo quod vehementius indignantur omnes, qui falsum conspiciunt quidquid prius de eo opinabantur. Elegerunt hominem pacis, quem pacis habent inimicum. Sub quo namque tyranno tot unquam auditæ sunt strages, tot ruine, tot in Ecclesia scissuræ, tot scandala? De Simonia, de cæteris quæ sibi dedicat cultrix idolorum avaritia, quid dicam? Quibus horum facinorum caret angelus hic apostata? Quæ sunt in foro, quæ ipse non faciat in sancta domo?

CAP. XII. Hunc nimiriū sicut nulli præcesserant parentes, sic nullos ei suspicabantur successores. Sed auditio nomine, steriles enī sunt parere monates, et nati sunt ei mures ridiculi. Quibus recente natis, prima die ebullit tota aula pontificalis, secunda vero repartæ sunt vulpes fraudulentæ. Interposita enim nocte, de muribus fecit vulpes illa vulpe vespere omni. Illos deformato sibi conformavit. Illos dedoceundo docuit. Illos male instructos, pejus intrusit, exclusis Ecclesiæ tiliis. Ratos friggit naturales, ut oleastrum insereret, et socium saceret radicis et pinguedinis olive. Cujus non modo socius effectus est; sed, abscissa oliva, dominium usurpans radicem sibi vindicavit oleaster. Respiciente tamen Orientis ex alto misericordia, surgere cœpit aquilo et austro venire, quo spirante suavis illico fragravit odor aromatum in horto sponsi. Cujus mirabiliter dulcedine loca tangente vicina, circumquaque flure cœpit aura serenior solita, blando et benigno vulta redire serenitas; ac, suo denuo sole lata cœpit Ecclesiæ facies indui. Gaudet post hiemem verua temperies, grata sentitur serenitatis aura post nubilum, quietis recreatio post laborem, post transitum per ignem et aquam eductio juvat in refrigerium. Reclamante oleastro, reinserta est oliva. Potens est enim Deus oleastrum radicibus extirpare; quod, in spe longanimes, sperat oliva; cujus spes quanto productior tanto fructum dabit gratiorem. Hoc etiam ipsum non erit inutile deceptis, quos falsa diu deluisit imago, malam arborem inter cæteras movisse, ut deinceps a nota caveant quos ignota sefellit. Oliu-

* Job 15.

oleam in foliis opinabantur, quam oleastrum a fructu denique percepserunt.

CAP. XIII. Tace igitur qui tales eligendum contulebas. Ne credas amplius exsanguem esse sine sanguine spiritum sine carne, agnum sine dolo, ovem sine lupo, nullius hominem generis sine parentibus, nullius posterum sine successoribus. Germana quidem est dignitatis, multitudo; et inseparabilius inheret ei consanguinitas, quam *Æthiopi nigredo*. Inaudita est dignitas sine parentela. Una enim die tot ei parit parentes arena, quota ipsa est. Aperit terra sinum suum, parturit sine dolore; et quæ nondum mota senuerat, gens simul oritur plebeia. In cuius ortu, totus ubique cernitur orbis despiciabili scatere popello. Stupet quicunque videt homo secunditatem parentis, capacitatem uteri, nascendi modum, nascentium gestum et habitum. Tanta nempe momento uno rudium oritur innumerositas, ut nunc primum videantur impleri propheetiae: *Deserta et solitudines terræ angustabuntur præ habitatoribus, et longe fugabuntur*⁵ qui habitabant, et tunc dicent filii sterilitatis: *Angustus est locus, fiat spatium nobis ut habitemus*. Sed quid ad hoc referat non habens unde tot nutriat terra mater anxia; nisi ejusdem prophetæ lingua loquatur et dicat: *Quis genuit mihi istos? Ego quandam sterilis et non pariens, transmigrata et captiva, et istos quis emitteret? Ego destituta et desolata, et isti ubi*⁶?

CAP. XIV. His igitur absque patre natis, unde necessaria ministret, quasi mater altera, sollicita tellus; cum in se non invenit quæ tantæ multitudini sufficient alimento, præcavens suis, suos facit alterius; et quos natura de die in diem magis impauperans, ostiatum concesserat mendicare; hos famelicos, informes et semihomunculos, mobilis in gremio recipit fortuna; ut eos iterum concipiat, pariat, alat, ditet, nobilitet. Gaudet enim jus et potentiam in talibus exercere; quæ semper ex innata sibi consuetudine, et pauperem facit et dilut, humilia; et sublevat, egenum de pulvere suscitat et elevat de sternore pauperem⁷. Unde terræ matri anxie, voce certe lugente, voce prophetæ respondere potest: *Ecce ego levo ad gentes manum meam, et ad populos exaltabo signum meum, et afferent filios tuos in ulnis, et filias tuas in humeris portabunt; et erunt reges nutriti tui, et reginæ nutrices tuæ*⁸.

CAP. XV. In instructione vero rudium, primum occurrit fortunæ, suis eos extunicare panniculosis sarcinis, multifomiter assutis et resarcitis panno uno et altero et deinceps. In quibus dubia erat materia cui formarum discolor imprimetur varietas. Nam si super his, ut huic operi, majorem dedissem operam, cum furore tortor vellet de jure causari, longe præjudicaret acus texturæ, quam tantum, non scientium pluralitas, sed suendi superat assiduitas. Multopere namque studuerunt innumerabiles et cives

A et civitates, lanas adhuc rudes fullonibus committere sucandas; ut materia simplex, fallentibus ludificata formis, non minus intuentes decepta deciperet oculos; et mutatis artificio velleribus placuit urbanis admirandas componere telas; de quibus post annorum curricula multorum, unum hujusmodi vile consciatur indumentum. In quo pannus novus, qui splendeat unus et alter assutus panno veteri, majorem cogit fieri scissuram. Unde, quoniam in pannoso hujusmodi tegumento, de reliquiis innumerabilibus, quas decrepita digne rejici censuit antiquitas, dispariter conjunctio, paupertina resarcientis acus quotidiane subvenit necessitatibus; merito rude unius, polito multorum supereminet artificio. Licet quæ primo hujus operis non parum insudavere labori, jam mille sunt defunctæ manus, milleque superstites. Nobis igitur supervenientibus, omnem in alumnis interimit fortuna vetustatem. Et quos ubique prædicat dignitatis esse nepotes, dignitati digne mandat alendos.

B CAP. XVI. Ilos igitur vix quoquo modo genitos, quos diu subpanno tenui celaverat ignobilitas; sublimitati, ne sterilis vivat, plene gignit et parit fortuna. Quibus, eo ipso quo nascuntur momento, animosa genitrix inspirat altum sapere, cogitare sublimia, discrete loqui. Mox eos delata omni ruditate, quasi fungos compluit in palatum. Quos eadem horula simul concipit, parterit, parit, ornat et instruit. Tempore uno nascuntur et equitant per urbem, feruntur et imperant, aulam ingrediuntur, et familias disponunt; manibus ad ecclesias portantur, ubi exaltant et deponunt, pretiis et precibus ad causas trahuntur, ubi soli conduntur auditii simul oratores et judices; momento facti diserti iudicio, qui diu vixerant imperiti sine verbo: heri, senes erant nondum locuti; perorant et disserunt mirabiliter, hodie nati.

C CAP. XVII. Est horum audita secunda nativitas celebris apud multos, quorum prima nescita felellerat universos. Quos enim de nihilo conceptos, nihiliores natura pepererat; in pompa et præconio splendide facit renasci fortuna benignior. Proli dolor! Non pudebat olim nudos, sua cunctis partere pudenda, pedibus albis nuper usque ad urbem venerant. Modo, repente mollibus induiti, liberos olim pedes, huic ingratis honori, stragulatis incarerant sotularibus; qui rennunt et recalcitrant, ac si capsam camelus argenteam aculeis intrare cogatur. Reclamantes autem et renitentes urgent talos auratis lucere calcaribus. Facti quoque subito subta graves majestate, sceptris inmituntur, tribunalia scandunt, pulvinaribus molliter incident sericeis, purpura pedibus jacet substrata tenellis; quæ a spinis ne pungerent, a lapidibus ne læserent acutis, olim defendebat innata durities. Et, qui post pecora fistulas buccis inflare solebant trans-

⁵ Isa. 49. ⁶Ibid. ⁷1 Reg. 2. ⁸ Isa. 49.

slati de caulis ad causas, prob dolor! audiuntur A floret optima dignitatis generatio, perversis prava audacter imperare magnatibus, haecce viget et exasperans!

EXPLICIT PARS SECUNDA.

INCIPIUNT CAPITULA TERTIAE PARTIS.

CAPITULUM I. Patres sic dictos habere adulatores in eodem honore cum nepotibus suis.

2. Exempla prophetarum inducuntur, quantum sunt cavendi.

3. Auctoritas prophetæ, quantum sint hæc tria cavenda, et maxime adulatio.

4. Non solum esse repellendos, sed statim etiam g erubescentes.

5. Quod turpia inferent his quibus adulantur.

6. Quod isti primi in omnibus sint, etiam non vocati.

7. Quæritur a veris, utrum falsis sit credendum.

8. Quæritur a falsis, quare ita in se serviant.

9. Quod de cæteris nimium curando, se ipsos ignorant, sicut Dina.

10. Semen Joseph exemplar esse cæteris ut se custodiunt.

11. Eosdem sepelire et sepeliri; et primo, qualiter auditores sepelunt auditos.

12. Quomodo auditii sepelunt auditores.

13. Quod secum non sint, ex quo traditi sunt in reprobum sensum.

14. Conversio ad veros pontifices, ne vanos audiendo eis similes siant.

15. Admiratio de falsis, quod ita fallantur.

16. Occasione sumpta de verbis sancti Job dis seritur, quando sit bonum et quando malum veue rationes Domini exhibere, et dominos recipere.

17. Malis seclusis, convenientibus fit exhortatio bonis.

18. Quantum conferat humilitas humilibus.

19. Quod hos duos imitari debeant, et primo quod reges regem, ostenditur.

20. Quod pontifices pontificem.

21. Conversio a veris ad falsos, quibus ostenditur, quod si etiam tales essent quales prædicantur, bonum quod prius habebant auferret ipsa laudatio.

22. Ait ad membrorum divisionis; scilicet, si non sunt tales.

23. Magis induratos Pharaone.

PARS TERTIA.

CAP. I. Supradictis in eodem adduntur honore filii fraudis, qui cenodoxæ oleum copiose vendere didicerunt. Quos ad duo promptissimos magistratuum componit adulatio; ut videlicet, et bona mala semper animo, et mala dicant, dolose laudando. Hi pariter omnium, quos a dominis audiunt, judices candidi sermonum existunt indefessi. Qui, ob nimium dominorum unguem, si forte rudi sectum forcipe reperiant, si longiorem cæteris in barba pilum inspiciunt, si malum positum in capite videant obliquare capillum, fremunt, fren dent, stomachantur, ab ipsis etiam dominis vix denique sedandi. Quorum tota intentio est, ut se dominis amabiles faciant, causas quibus obsequantur, exquirere. Unde in verbis et in operibus nihil sine laude perire sinunt. Quidquid enim dicunt et faciunt, non quantolibet hominum, sed solis dignam prædicant angelis. Quorum facta, si etiam manifeste pessima sunt, arbitrorum præjudicio talium bonis præcellent. Aliorum favent dictis, annunt factis, nihil renuunt, nihil recusant, quod voluerint volunt, quod ab his optatur, exoptant: quod desideratur, et ipsi desiderant, secundum cor eorum cogitant, gerunt, concipiunt, perficiunt; corda, sed non corde, cordibus jungunt, mentem, sine mente, mentibus adnectunt. Efficit enim hoc

D in suis adulatio, ut quibus adulentur alentibus aiant, et negantibus negent; qui cæteris displi cere, solis placere querunt, a quibus extorquere intendunt. Sicut enim sola non adjicit, quæ secum arrogantiæ et derogationem socias habet indissolubiles: ita non modo, quod sui juris est, blandiri scilicet, et favere; sed, quod ex accommoda trahit comitum proprietate, derogare facit et arrogare. Unde primum oleo capita dominorum impinguant; secundo ut se jactanter arrogant, cæterisque dolose derogent. Quos Apostolus dicit: *Deo odibiles*⁹. eosdem Propheta condemnat, dicens: *Disperdat Dominus universa labia dolosa, et linguam magniloquam*¹⁰. Labia quippe dolosa, ad derogationem; linguam magniloquam detulit ad arrogantiæ. Arrogantes namque in se ipsis extolluntur, et jactantur, de se loquuntur, loqui multiplicant, in magnis et mirabilibus super se ambulant. Derogationes vero assidue susurrant, discordias inter fratres seminant, aliorum bona negant seu invertunt. Qui ut alios fallant nec ab aliis fallantur, duabus semper viis gradintur. Vix, inquit, peccatoribus terram duabus viis ingrediensibus¹¹; terram duabus viis ingrediuntur, qui in corde et corde loquuntur; qui loquuntur bona cum proximo suo mala autem in cordibus eorum¹².

⁹ Rom. 1. ¹⁰ Psal. 11. ¹¹ Eccl. 2. ¹² Psal. 27.

CAP. II. Ab his, licet non parum cavebat, obses-
sum se Propheta dicit et circumdatum : *Circum-
dederunt me sicut apes*¹². Apes recte vocati sunt,
qui lingua blandiuntur, sed latenter ex malitia fe-
riunt. Loquendo enim mellis dulcedinem propo-
nunt, sed occulte feriendo vulnus inferunt. Quos
stimuli causa alias propheta scorpiones appellat,
cui dictum est : *Increduli et subversores sunt tecum,
et cum scorpionibus habitat*¹³. Iste enim increduli
sunt Deo, subversores hominibus infirmis, scor-
piones fortibus et robustis; quibus, etsi in facie
contradicere non præsumunt, ex occulto tamen
vulnus derogationis inferunt. Qui recte scorpiones
dicuntur, quando blandi et innoxii in facie viden-
tur, sed a dorso venenum infundunt; pacem ostend-
unt, et odia nutrunt; amica dicunt, et inimica
faciunt; pacatas suscitant iras, æmulantur, invi-
dent, alter alterum obliquis comedunt morsibus;
vitia dissimulant, dicentes : *Pax, pax, et non est
pax*¹⁴. De talibus recte dictum est : *Sonitus terro-
ris semper in auribus eorum, et cum pax sit, insi-
dias suspicantur*¹⁵. Dolose namque agentes, erga se
simpliciter agi non aestimant. Quorum mentes
semper in laboribus sunt, quia anti moluntur mala
quæ inferant aut metunt, ut hæc sibi ab aliis in-
ferantur. Qui dum alios infestare non cessant, in
seipsis requiem non habent. Illis tantum est hoc
opus, otium et labor iste, quies. *Exsultant enim
cum male fecerint, et lactantur in rebus pessimis*¹⁶;
sed extrema gaudii sui luctus occupat, et risus eo-
rum dolore miscebitur¹⁷. Docent linguas suas loqui
mendacium, os suum abundare malitiae¹⁸, sed la-
bor laborum ipsorum operiet eos¹⁹.

CAP. III. Hæc tria vitia, quoniam mortifera sunt,
se totis persecuti viribus, tribus ostendit propheta
versiculis, ubi dicit : *Qui loquitur iniqua, non direxit
in conspectu oculorum meorum. Detrahentem secreto
proximo suo, hunc persecubar; superbo oculo et in-
satiabili corde, cum hoc non edebam*²⁰. Quid aiebat
in arroganter? Cum hoc, inquit, non edebam. Quid
contra derogantem? Hunc, inquit, persecubar. Quid
contra adulantem? *Non direxit in conspectu oculo-
rum meorum. Quis non direxit? Qui loquitur iniqua.*
Adulatores enim iniqua, et inique maxime loqui di-
cuntur; quoniam cuiuscunq; isti subdoli prædones
adulantur, nisi caveat, ipsum sibimet rapiunt et
furantur. Et cum simul in uno sint, et fere ubiq;
cunque sunt, connexa sunt hæc tria vitia, non ta-
men apud omnes quibus officiunt, sua simul habent
officia. Uno namque tribus his jaculis feriente, non
quoscunq; ferit omnes omnibus feriuntur. Multos
enim ferit adulatio, quibus derogatio parcit; et ar-
rogantia nemo laeditur, nisi de quo ipsa nascitur.
Unde saepè fit ut, qui hujusmodi sceleribus operam-
dere consuevit, quoties vitium vitio commutat, per-

A sonam etiam mutare videatur. Differt enim a se
jam altero laudator blandus, cum de levi fautoro
detractor efficitur austerus, et differt a se utro^{no}
technis ipse fetus arrogans, qui cum desert sibi soli,
austerre nititur omni, quod sibi cumulat uni. Cum
igitur sint pessima tria hæc, efficiens ad pejus ma-
lum est adulatio, quod suos vanæ laudis edocet præ-
conia, et eductos item ad laudis instruit contraria.
Inauditus enim est laudator immoderatus, qui vel
eidem cui modo laudes ore pleno cantabat, vel alii
cui ibet quando et quantum libuerit, cantata decan-
tare sit ignarus. Nam quidquid bodie laudum irro-
gat esurienti; cras, si volet, digniori poterit auferre
vituperio. Arrogantia, solos quos inficit, intersicit;
et ex derogatione audita patienter, solet in auditore
virtus augeri. Ex adulatio vero, quanto patientius
auditur, tanto profundius in eo auditoribus virus
dulce iufunditur. Quod si miser auditor sponte semel
gustet, bibat, hauriat; tunc propinatores applau-
dunt, tunc uberiori effundunt, et *euge* repetito, di-
cunt, *devorabimus eum*²¹.

C CAP. IV. Hinc est quod Propheta, quem non la-
tebat latens sub labiis eorum venenum aspidum, a
Domino petebat non solum istos a se repelliri, sed
festinanter, et confusos, et erubescentes. *Avertan-
tur, inquit, statim erubescentes, qui dicunt mihi :*
*Euge, euge*²². Et alibi : *Ferant confessum confusio-
nem suam, qui dicunt mihi ; Euge, euge*²³. Statim,
inquit, avertantur, ne contra tales increpatio pro-
teletur; cum tamen saepè increpatio provide diffe-
ratur, ut postmodum benigne suscipiantur. Nam et
femina sapiens, videns Nabal ebrium, increpare
noluit; quem digesto vino non inutiliter increpa-
vit²⁴. Adulatio vero, si vel ad tempus patienter
suscipitur, augetur; ut paulisper demulcent ani-
mum, et a rigore suæ rectitudinis emollescat in de-
lectationem sermonum; quæ, ne crescere queat, sta-
tim est ferienda. Non crescebat in conspectu illius
qui dicebat : *Non direxit in conspectu oculorum meo-
rum*²⁵.

C CAP. V. Venit in mente me legisse²⁶ filios
Amon barbas legatorum David, qui de morte patris
eos consolari venerant, dimidiis rassis, et vestes
præcidisse medias usque ad nates. Adulatores
D namque turbidi et inutiles, ad quos consolando de
morte patris sui venerunt legati David, cum super
eos spirituali Patre orbatis ministri Christi pasto-
ralem curam suspiciunt, convertunt se ad radendas
barbas, cum eorum rigorem et severitatem oleo ini-
quæ adulatio emolliunt; vestes etiam usque ad
nates præcidunt, cum eos tanquam molles et effem-
inatos usque ad immundicias et flagitia pertrahunt
pravis colloquiis miserisque blandimentis a digni-
tate esstitalis enudant. Hoc enim solum est quod
machinantur et fabricant, initiantur et consumunt

¹² Psal. 117. ¹³ Ezech. 2. ¹⁴ Jer. 6. ¹⁵ Job 45. ¹⁶ Prov. 2. ¹⁷ Prov. 14. ¹⁸ Jer. 9. ¹⁹ Psal. 159.
²⁰ Psal. 100. ²¹ Psal. 34. ²² Psal. 69. ²³ Psal. 59. ²⁴ 1 Reg. 23. ²⁵ Psal. 100. ²⁶ 2 Reg. 10.

integritatis inimici, pudoris hostes, pudicitiae latrones, castitatis praedones. Qui, sancto Job testante²⁷, pedicam suam abscondunt in terra, et decipulam suam super semitam. In terra pedicam abscondunt, cum culpam sub terrenis occultant comodis, ut videat homo quod concupiscat et non videat in quo culpae laqueo pedem ponat. Et decipulam suam super semitam. Intuentur enim mores cujusque, cui virtus sint propinqui; et illa ponunt ante faciem, ad quae cognoscunt facilius inclinari mentem. Quorum impossibile est soveri consilia, obliniri blandimentis, quin altera vel ultraque hominis castitas amittatur. Ultraque saepe, altera semper. Semper enim castitas mentis amittitur, quoties castitas inimicis creditur. Mente vero manente non integra, irrita apud Deum manet carnis integritas. Unde et Moyses cordis preputium jubetur circumcidere²⁸. Et Job²⁹, sicut vir lumbos præcingere. Non enim cordis preputium circumcidit, nec sicut vir lumbos accingit, qui carnis edonat lasciviam, mentis amissa castitate; cum Deo nequaquam pulchra sit casta generatio, nisi cuncta charitate³⁰. Debent itaque legati David contra insultos adulatorum sermones, contra condita sine sale colloquia, et a Deo postulare tutelam, ne forte postquam seniles virus dulce gustarint morbi, vix aut nunquam curabiles valeant invenire medelam. Contra hujusmodi homines Propheta in se sibi non inveniens auxilium, auxilium petita Domino qui fecit cœlum et terram³¹: *Domine, inquit, libera animam meam a labiis iniquis, et a lingua dolosa*³²; ab his etiam qui perperam agere me palam incitauit; ab his etiam qui mala, quæ suggestur, verborum solis obnubilant. Idem quoque, ne sibi vel alii loquendo noceret, onne linguae vitium a se removeri petuit, dicens: *Pone, Domine, custodiam ori meo, et ostium circumstantie labiis meis*³³.

CAP. VI. Ostium vero nolunt ponit labiis suis isti vaniloqui, malevoli, facinorosi qui libitis indifferenter pro licitis; qui ab illicitis cogitandis, patrandis, investigandis, animum, manum et pedem non cobibent; sed quidquid in cor, in os et ad manum venit, machinantur, garriunt et operantur, ubi cunque ambulant, stant, sedent; lingua, manus, caput, aures, oculi, digiti, pedes non paucant, non vacant a strepitu, minor etiam particula corporis; sed moventur membra omnia simul et tota, ita ut e motibus exterioris hominis homo valeat interior agnoscendi. Horum sunt in conventu primæ sedes; in consiliis, primæ responsiones. Veniunt non vocati, intromittunt se non rogati; silentia loquentibus imponunt, audacter omnibus opponunt; respondentes suffocant, sermones sermonibus cœcant: quibus elatrantibus satius est tacere quam respondere. Sufficit enim pro responsive labia movere tacendo, quoties hi sese clamositate sua non audiunt, nec

A respondentem. Crebunt enim qui seipsos insurant, quod sibi ringendo clamantibus cœteri pariter acclament, et respondeant, si solum eos labia movere prospexerint. His conceditur a dominis ordinata reordinare, facta resuscitare. Quidquid ipsi non fecerint vel ordinaverint, nec recte factum, nec pulchre dictum credunt, neque ordinatum. Horum est, post auditâ judicia, judices corrigerem; præjudicare iudicaturis. Horum est perpetua sitiis et esurias, auditores habere quos vanitando decipient, quos verbis inanibus illendant, quibus mel venenosum effundant, quibus quales et quanti sunt innotescat, et tandem occasione reperta loquendi, de thesauris sceleris vetera proferant et rova. Verba resonant turgida et ampullosa. Nullus interrogat, et respondent. Nemo querit, et determinant. Ipsi querunt, ipsi solvunt; et a tacente saepe audiunt quod ipse etiam non considerat. Nec verbis modum sciunt ponere, usque dum in Eliu verba prorumpant: *En ventres nostri quasi mustum sine spiraculo, quod lagunculus disrumpit*³⁴; aut loquuntur ergo aut dirumpemur. Plebi enim sumus sermonibus, et coactat nos spiritus uteri nostri.

CAP. VII. Dicant itaque pontifices qui sunt, quid sibi visum est de nostris qui dicuntur episcopis. Estne credendum eis, qui tales audiunt, qui tales consulunt, talibus aures præbere lætantur? Hos ei prælati latius sibi tutum habent. Hos hi domini pie solvent. Nam si dominis impie lavent, horum est his grata præsentia, dulce consortium, suave colloquium, jucunda quies ac sermo esflicax, servenissimusque affectus. His lætis domini lætantur, his præsentibus omnia præsto sunt; his sublati, et omnia simul abeuntibus abeunt, simul et deliciae et lætitiae; curæ irruunt, molestiae hinc inde pulsant, angustiae sunt undique, soli remanent, soli sub honori onere laborant, soli sub dignitatis sarcina genuunt; quam aut ponere aut opprimi necesse est, si humeros isti subduxerunt.

CAP. VIII. Dicant ipsi qui tam impudenter agunt, qui tam crudeliter in sese sœviant; unde rabiens hæc? Unde est quod sibi de se non credunt, sed fautoribus suis mendacissimis? Et cum de cœteris rebus magis sibi credant quam cœteris, quare de se solis magis credant cœteris quam sibi? Credunt quod audiunt, laudantibus applaudunt, sed quid laudator attendat non attendunt. Obliviscuntur intentionem, dum amplectuntur opinionem; et quidquid de se laudatum agnoscunt, non ignorantiae aut benevolentiae laudatoris, sed suis meritis ascribunt. Unde tanta obstinatio? Unde cœcitas hæc? Ese, credo, ignorant; sui penitus obliti sunt, et a se longe remoti. Multum est ab his cœlum remotum; et ipsi multum plus a se quam a cœlo, et affiniiores sunt Caucaso monti quam sibi. Qui quanto a se re-

²⁷ Cap. 18. ²⁸ Deut. 10. ²⁹ Cap. 16. ³⁰ Sap. 4. ³¹ Psal. 120. ³² Psal. 119. ³³ Psal. 140. ³⁴ Job 32.

motiores existunt, tanto magis incuria sui curiosos facit ad alia.

CAP. IX. Ad alia circumspicienda se Dina transluit³³; sed in se torpida mansit, sese non circumspexit. Voluit male videri, sed pejus visa fuit. Volebat male cognoscere, sed pejus cognita fuit. Relicto duce pubertatis suæ simul se et domum patris exiuit, ut videret mulieres regionis illius. Egressa cæteras vidit, ipsa se latuit. Alias agnovit multas, se ignoravit unam: quid foris lucrata est negotiando, quod domi non haberet otiendo? Sibi corruptionem, patri dolorem, contumeliam fratribus, opprobrium generi. Non consuluit patrem filia; filia dicenda, non patris, sed patrui; patrui, quem imitata est excundo domum, foras vagando: non patris, quem imitari noluit, domi simpliciter manendo. *Erat, inquit, Esau guarus venandi, et homo agricola; Jacob autem vir simplex habitavit in tabernaculis³⁴.* Illo foras vagante, per saltus venante, cum penitus oblitus esset a fratre venditæ lenti; iste cibos domi paravit, paratis patrem invitavit, consilio prudentis feminæ³⁵. Prudens fuit femina, quæ consuluit; prudens fuit vir, qui prudentis consilio feminæ creditit. Illujus prudentis viri imprudens filia fuit Dina³⁶, sed non fuit digna Dina prudentis viri dici filia; nec dici filia Jacob, cuius Jacob pater exstitit. *Sicut enim non omnes qui sunt ex Israel, Israelites sunt; et sicut non omnes qui sunt semen Abrahæ sunt filii³⁷,* sic nec filia Jacob appellari meruit, quæ noluit supplantare peccata; sed succubuit a peccatis supplantata. Depatritissimum namque filiam, filium nemo sapiens appellari, sicut nec Joseph fratri sororem, quæ a fratre degeneravit. Qui, postquam mulieris impudicæ blandimenta, jocos, amplexus, oscula sprevit; postquam multis formes assaultus illius non respxerit; post varios anfractus, relicta ueste qua tenebatur, fugiens evasit³⁸. Sed qui tacentium Moysis et Susannæ clamorem audivit, clamantis audiens silentium juvenis pudici, nudum illum fugere non permisit, quem pallio longe præstantiori præsto cooperuit, innocentia, pudicitia, castitatis. Quibus in hac lucta de virginis hoste triumphabitibus, palmam adeptus est, quam merebatur integritas; non passus est alter iste Jonas in ceto naufragium. Puer iste cum pueris non in ea sensit ignis incendium, quem, quantum in se fuit, femina, fera pessima, devoravit; sed integrum et illasum in ipsa voragine manere juvenem stupuit gulosa belluae devorantis esuries. Unde spiritu prophetice tacitus ex parte patriarcha Jacob flens et ejulans prædixerat: *Fera pessima devoravit filium meum Joseph³⁹.*

CAP. X. Proponitur igitur Joseph sanctissimus, mirabile cæteris exemplar, ut a prædonibus pudicitias cœvant, se custodian, a se non recedant, et

A sui non obliviscantur. Quem non imitando et Dina virginitatem, et Esau bæreditatem perdidit, et adhuc patres prædicti amittunt sanctitatem. Qui, dum se cognoscere negligunt, dum se videre contemnunt, dum se circumspicere torpent; nec cum apostolo⁴⁰ in anteriora se extendunt, nec cum sanctis animalibus ante faciem suam nec coram facie sua ambulant⁴¹. Ante faciem suam non ambulant, quia anteriora non petunt. Nec coram facie sua; quia sibi metipsis præsentes non sunt, absentes enim sibi sunt qui semetipos exquirere atque cognoscere solliciti non sunt. Quibus ad aliud intentis, latenter interim in eorum serpens labitur adulatorius; cuius persuasio gratanter auditur, deceptio sponte suscipitur; placent eis ejus venenata colloquia; B quæ, dum recipiuntur, despiciuntur monita salutaria. Blandus hic in dolo serpens, blandimenta sittentes blande nimis alloquitur, blanditiis rationem, mendaciis timorem compescit; et tanquam iterum audito: *Nequaquam moriemini⁴²;* et palliato fine consilii, velut iterato, *eritis sicut dii⁴³,* hauriunt virus perituri, propinanti virus futuri. Nescit enim mentiri, qui patrem mortuum sepelire volenti, dicit: *Dimitte mortuos sepelire mortuos suos⁴⁴.*

CAP. XI. Dimitte, inquit, se invicem sepeliant adulatores, et qui audiunt, cum ab indignis indigni laudantur, et santes sontium testimonio comprobantur, accipiunt et reddunt, et consequuntur, et referunt; uno tempore et qui dederat recepit, et C qui receperat reddit. Sese itaque sepelire mortuos patres ac filios vanæ laudis amatores, item ipsa Veritas dicit. Quoniam sibi invicem facti sunt sepulcra, et patres filii et filii patribus, culpa simili, sed deformi, conformes, simili quoque poena plectendi; graviori tamen qui, quos deberent corripere, corrumpunt. Nam, si difficili dignos efficit poena filios non corripere corruptos; difficillima coercendos instituit corruptos magis corrumpere. Non corripuit filios suos Heli⁴⁵; unde filii ab hostibus intersecti sunt, capta arca Domini, mulier in partu mortua, ipse ruptis cervicibus de sella retro cecidit. Core, Dathan et Abiron multos corruperunt⁴⁶, et cum multis perierunt. Missus est ignis de cœlo, consumpsit alienum ignem offerentes. Alios, ruptis terræ compagibus, absorbuere tortura viuentes. Quid erit igitur de his qui nullam in corripiendis operam fecere, quorum tota et omnis est intentionis hos a quibus occiduntur occidere, a quibus humantur humare. His quippe quos audiunt, non immiterto sepelire dicuntur auditores; quoniam diligenter audiendo eos in scelere sovent et faciunt adulatores. Si enim aures averterent, vultum contraherent; male loquentes etiam tacendo docerent, disserent non libenter dicere, quod didicerunt non libenter audiri. Quod nimurum facit qui sibi dictum

³³ Gen. 34. ³⁴ Gen. 25. ³⁵ Gen. 27. ³⁶ Gen. 34. ³⁷ Rom. 9. ³⁸ Gen. 39. ³⁹ Gen. 37. ⁴⁰ Phil. 5.

⁴¹ Ezech. 1. ⁴² Gen. 3. ⁴³ Ibid. ⁴⁴ Luc. 9. ⁴⁵ 1 Reg. 2. ⁴⁶ Num. 16.

recolit : *Sepi aures tuas s; inis, et noli audire lin-*
*guam nequam*⁴¹.

CAP. XII. Sepelitur autem a mortuis, mortuo-ruin mortuus auditor, cum peccatores adulando furoribus indignis falsisque laudibus peccantein deliniunt, eumque extinctum quasi sub verborum aggere suorum abscondunt. Contra quos omni filio suo Sapientia consulens : *Fili mi, inquit, si te lactaverint peccatores, ne acquiescas eis*⁴². Illos vero qui Sapientiae credere contemnunt, tanquam parvulos et stultos arguit ipsa, dicens : *Usquequo parvuli diligitis infantiam, et stulti ea que noxia sunt cupitis*⁴³? Recte etenim, licet senes et decrepiti sint, parvuli dicuntur, qui panem fastidientes adulorum, adulatorum adhuc lacte nutruntur. Quos bene Dominus tribus jam suscitatis mortuis⁴⁴, in quarto quem mortuum audivit et suscitare noluit, vix aut nunquam a peccatis suscitandos significavit. Quoniam qui labiis iniquis ac linguis dolosis libenter acquiescunt, vix aut nunquam a viis resurgent. Tales namque peccatorum oleo impinguatis capitibus suis⁴⁵, consilium Sapientiae contemnunt, et reprobatis sensibus in profundum malorum miseri trahuntur, vitiorumque tyrannidi captivi traduntur; ita ut carnalium voragine desideriorum absorpti, suæ rationis divinique timoris obliti, insipientes dicere cogantur : *Non est Deus*⁴⁶.

CAP. XIII. O quam terribile, quam profundum et inscrutabile Dei judicium! Postquam prima flagitia iniquitas sequitur, experta voluptas libenter repetitur, repetita blanditur, regnante peccato, sopitur vitio, ligat consuetudo. Indignum est quidem hominem sordere; dignissimum autem in sordibus existentem plus adhuc sordescere⁴⁷. Nostri siquidem in oculis suis sapientes sœpe legerunt illud Sapientis : *Omni custodia custodi cor tuum*⁴⁸. Quo igitur a corde recedunt? Cui se interim committunt? Recedentes a corde, recedunt a Deo, a se pariter, et a nobis. Redite prævaricatores ad cor, auditio millies, non redeunt, magis magisque contemnunt. Sparsis enim mentibus foris, ad semetipcos redire difficile est. Quia prava itinera semel captos tanto delectabiliter tenent, quanto quod libuerit licet. Disciplinae namque muro injuriis non obviante, nulla retributionis pœna prospicitur quæ terreat; sed, clausis oculis cordium, præcipitantur animæ, et tanto securius mala perpetrant temporalia, quanto durius bona desperant æterna. Unde non audiunt, sed adhuc in regione dissimilitudinis morantur; ubi morando moriuntur, et mortui se peliuntur; ubi porcos diu pavisse, unique non solum civium, imo tot regionis illius civibus, quot vaniloquis fautoribus, adhaesisse non erubescunt. Quos non revocat pudor, ratio non coeret, non emolliit pietas, non terret auctoritas, justitia non flectit. Cogitur enim Israel captivus dominanti

A reddere tributa Chananae; quem in manu sorti et brachio extento subjugaverat, subjugatum sibi tributarium esse coegerat. Arma dat hosti turpiter victus; quem victor insignis nobiliter exarmaverat. Nec quod habitat peccatum, nolente quem habitat modo peccare, dicitur. Ubi carnis vestigia præriginis animam sequi non pudet, simul cum carne titillantem; uterque homo miseirime trahit et trahitur. Inde per ignoratam carnis fortitudinem, superbia cum præcipitante, quo per agnitionem ejus debilitudinem humilitas cum sublimaverat. Super quem os suum puto urgente, nulloque super lectum doloris ejus opem ferente, jacet, languet, torpet, cæcus, claudus, aridus, nec meretur audire medicum qui dicat : *Surge, tolle grabbatum tuum et ambula*⁴⁹.

CAP. XIV. Caveant igitur a fermento cenodoxorum, quod est adulatio; caveant vigilantes, quicunque vigilanter lucusque caverunt; quibus non placuit verba sugerere nefanda; quibus hujusmodi labes non adhaesit, quos hac tabes non inficit. Caveant ne seducantur inanibus verbis⁵⁰; sed resistant fortes in fide⁵¹. Modicum enim hujus fermenti massam corrumptomnium bonorum⁵². Nemo audiat, nemo credit. Cui semel aures miserabilius præbuisse est allici blanditiis; simul credidisse, duris astringi catenis. Ex quo enim vaniloquio creditur, credentem adulatio regendum suscipit; quem deinceps domina moribus obtemperare necesse est. De qua vix triumphat, de quo ipsa semel triumphavit. Leges enim obligant, omne jus injuriat, divinas obradit sanctiones, hominem sibi totum vindicat; quem in exterminium ducit erroris, oblitum quam cum Deo et ex Deo habeat dignitatem. Audiant pastores pastorem et episcopum animarum suarum, iubentem sanato, ne cui diceret. Audiant successores apostolorum, Petrum a Cornelio licet bene agentem, immoderate venerari recusantem, seque similem illi recognoscetem : *Surge, inquit, ne feceris; et ego ipse sum homo*⁵³. Audiant angelum Dei angelo Joanni respondentem : *Vide ne feceris; conservus enim tuus suum et fratrum tuorum*⁵⁴. Apostolus quoque, de meritis baptistarum jactantes, et dicentes : *Ego sum Pauli, ego Cepha, ego Apollo*⁵⁵, audire non potuit, sed velut obstupescitus, auditio nomine Pauli, inquit, nunquid *Paulus pro vobis crucifixus est? aut in nomine Pauli baptizatus estis?*⁵⁶? Quid autem respondendum dicemus bluitoribus istis, qui bona nunquam intentione, sed subdola tentatione laudatum attendunt? Recolant sancti pontifices, quid tentatori sanctissimus respondit pontifex : *Vade, inquit, retro, Sarana*⁵⁷.

CAP. XV. Antiepiscopis vero nostris quid in hujusmodi temptationibus pulchrum videatur, admidum admiror. Nam, sive a se, sive ab aliis bona sua publicare placeat; postquam vas sanum et ser-

⁴¹ Ecccl. 28. ⁴² Prov. 1. ⁴³ Ibid. ⁴⁴ Joan. 11. ⁴⁵ Psal. 140. ⁴⁶ Psal. 13. ⁴⁷ Apoc. 22. ⁴⁸ Prov. 4. ⁴⁹ Joan. 5. ⁵⁰ Ephes. 5. ⁵¹ I Petr. 5. ⁵² Galat. 5. ⁵³ Act. 10. ⁵⁴ Apoc. 19. ⁵⁵ I Cor. 1. ⁵⁶ Ibid. ⁵⁷ Matth. 4.

vandis idoneum secretis conscientia vel frangitur, vel deposito quod servabat exinanitur, et latere nolens per aures optimum et auras inanes dispergitur; quanto crescere quererit, tanto in infamiam redacti fama deperit. Nequit enim non devorari famositas quae fauces intrat et exit infamium. Et thesaurum, cuius tota et sola est celari permanentia, dum passum quisque ventorum confusus annullat. Non a se vel ab alio laudari quærebatur Apostolus qui, cum diceret: *Mihi pro minimo est ut a vobis judicer, aut ab humano die; adjecit, sed neque meipsum judico*⁴⁵. Non enim poterat de se vel ipse proferre sententiam, qui non ex toto credebat se vel ipsi conscientiae suæ: *Qui autem me jndicat, Dominus est*⁴⁶; Dominus qui falli non potest, quoniam ipse scit cogitationes hominum⁴⁷, quas cernunt oculi illius solius: *Auferte, inquit, malum cogitationum ab oculis meis*⁴⁸. Ipse videt non apparentes, audit ipse non loquentes; audit etiam ipse in corde cogitantis quod non audit ipse qui cogitat, cuius auri non cessat quies, non facit silentium. *Quid cogitatis mala*, ait, *in cordibus vestris*⁴⁹? Ipse solus est qui judicat, qui cor intuetur⁵⁰; cui nec verbum pervolat, nec subterfugit cogitatio; qui novit decipientem, et eum qui decipiatur; qui abducit consilario in stultum finem, et judices in stuporem⁵¹; qui dignum commendatione Job, digne commendare potuit; ipse tamen Job sese commendare abhorruit, ne indignus digne fieret a se indigne commendatus. Quem dignissime commendavit, quando ait: *Nunquid considerasti servum meum Job, quod non sit ei similis in terra, vir simplex et rectus, et timens Deum, et recedens a malo?*⁵² Sanctus vero Job de se dicebat: *Si osculatus sum manum meam ore meo, quod est iniqüitas maxima et negatio contra Deum altissimum*⁵³; quis mihi tribuat adjutorem? Manum suam osculatur ore suo, qui laudat quod facit: *quod est iniqüitas maxima, et negatio contra Deum altissimum*; quia auctoris sui gratiam negare convincitur, quisquis sibi tribuit quod operatur.

CAP. XVI. Manum suam nempe nec a se, nec ab alio juvabat laudari. Quod autem dixit manum suam se osculatum non fuisse; magis eum credo quod intelligebat, quam quod dicebat negasse. Manum namque suam aliquem osculari consuetudo non est. Quod si casu fiat, et nihil intelligatur, nec laudo nec vitupero. Illius tamen ab alio vel manum, vel pedem osculari, vel capiti caput inclinari, vel secundum varias terrarum consuetudines alias venerationes majoribus exhiberi, pro variis utriusque partis intentionibus, et laudo et vitupero. Laudo multum, vitupero plurimum. Magna est hujus boni commendatio, sed major est hujus mali vituperatio. Laudabile quidem est ut potestatibus debitus a subditis honor exhibetur. Nam omnis

A potestas a Domino Deo est; qui potestati resistit, Dei ordinationi resistit⁵⁴; ita qui potestatem honorat, Dei ordinationem, immo ipsum Deum honorat. Credere namque debet, qui debitas hujusmodi venerationes exhibet, ut per eas quas inter se et Deum medias sive spirituales sive sacercales invenit potestates, quasi per ordinatos gradus ad altissimam omnium possit ascendere potestatem. Constat enim in exhibendo regibus ceterisque hujus ordinis potestatibus honore, Regem regum, et Dominum dominantium honorari; in episcopis suisque maioribus, eundem quem in regibus, pastorem et episcopum animarum nostrarum. Est autem in hoc admodum attendendum, ut qui debitos redditurus honores accedit, non sicut aut fraudulenter accedat. Cavendum quoque ne recipientes inanis gloria dulcedo demulceat, nec tumor elationis extollat. Sic enim utrique utrorumque prædicti simul et prædones, rapina simul et raptiores existentes, glutinent pariter et glutinentur, vorant et vorarentur; ut quod in Deo et propter Deum agi precipitur, contra Deum impudenter ageretur. Illud etiam laudabile dictum superius, a laudabili et ordinato divinitus usu, in execrabilem et inordinatum proueret abusum. Novi familiares dominorum inimicos, qui hujusmodi habent accessum ad similes sibi dominos, quos reddentes simul et recipientes crimen simile facit indignos. Novi qui dominos venerantur, ut ab eis præficiantur; ad dominos familiarius appropinquant, ut festinantes domini flant. Osculantur manum, ut furentur animum; osculantur pedem, ut rapiant mentem; capita ceteris infestius humiliant facies et oculos subtiliant, ut quibus haec faciunt, sibimetipsis ipsos furentur et rapiant. Novi enim quos supercœlesti nesciente curia vulgo dicunt episcopos, qui visis his gestis arrident, applaudunt, tument et extolluntur; et hinc superbiam eorum semper ascendentem⁵⁵, ex hoc adipe sceleris eorum iniuitate prodeunte, credentes se propter haec obsequia deificari, *dii fortes terræ vehementer elevati sunt*⁵⁶. Qui si mitis et humilis corde magistri discipuli essent, magis exhibitis sibi reverentiis humiliari quam superbire didicissent. Omnis enim a Deo concessa majoritas minorem efficit habentem, si usurpatur, quam usurpare noluit summa omnium potestas; qui minoravit se paulominus ab angelis⁵⁷, in forma hominis exinanita servili bovinem profanum in se potestatem habere non negavit, sed ei desuper esse datum asseruit: *Non haberes, inquit, potestatem nisi tibi datum esset desuper*⁵⁸.

CAP. XVII. Seclusis igitur hinc supradictis, qui jam venerunt in profundum vitiorum, et contemnunt⁵⁹; discant ceteri majores, quibus curæ Deus est; discant a magno humili, a minori minimo, se

⁴⁵ I Cor. 4. ⁴⁶ Ibid. ⁴⁷ I Paralip. 28. ⁴⁸ Isa. 1. ⁴⁹ Matth. 9. ⁵⁰ I Reg. 16. ⁵¹ Job 12. ⁵² Job 2. ⁵³ Job 31. ⁵⁴ Rom. 13. ⁵⁵ Psal. 73. ⁵⁶ Psal. 46. ⁵⁷ Hebr. 2. ⁵⁸ Ibid. 2. ⁵⁹ Prov. 18.

minoribus comminorare, humiliis humiliare. **Magnus** enim ille Dominus, cuius magnitudinis non est finis ⁶⁴, ut hereditas rehæreditaret potestates, factus heres parvulus non distabat a servo cum esset Dominus omnium ⁶⁵; non distabat a servo se præferendo, qui forte a suo distabat servo se subjiciendo. **Erat**, inquit evangelista ⁶⁶, subditus illis. Quis quibus? Dominus servis, major minoribus, Deus hominibus; habebat enim humilitatem consummante. Sunt qui habent sufficientem, sunt qui habent abundantem; habuit ipse consummante. Sufficientem habebat, qui majori subditur, et æquali non præfertur; abundantem, qui subditur æquali, et non præfertur minori. Ille vero consummante habuit, qui præferebatur nulli, et subdebat omni. Et qui sic humilius erat, sic humilius esse docebat. **Discite**, inquit, a me, quia mitis sum et humilius corde ⁶⁷. Discant igitur ab hoc humilius regi et pontifice, reges et pontifices, humilius esse. Neque enim rex, neque pontifex, sed tyrannus est quælibet potestas humilitate non condita. Humilitatis expers hominem dissipatur, et a Deo degenerat. Humilis hominem profiteretur, et Deo se confederat.

CAP. XVIII. Humilitas est salutis præsidium, fidei ornamentum, propitiatio peccatorum; quæ justos probat, sanctos roborat, Dei cultores ostentat. Humilitas est lorica regis, cuius clypeus patientia est. Conservat enim humilitas interiora, ubi est vita hominis. Et si forte clypeus patientiae jaculis diaboli perforetur; evadit in quem jacitur, si lorica humilitatis opponatur. Quæ non modo sana custodit, sed infirma consolidat, collisa restituit. Diruta enim et male scissa restaurare consuevit et resarcire; reddens ad plenum sanansque quod tollit et vulnerat impatiens. Regi Ninivitarum Deus irascitur ⁶⁸, sed ipse illico se regem esse obliviscitur. Purpuram projicit, diadema deponit, cæteris factus devotior, qui cæteris erat potentior. Hostes fuerat solitus armis bellicis triumphare, Deum vincere didicit, armis justitiae. Illos virtute, illum humilitate. Rex humilius David, humilius dicit: Peccavi, et audit, Transtulit Dominus peccatum tuum ⁶⁹. Magdalena humilius obsequitur, et Deus respondet: Dimissa sunt ei peccata multa, quoniam dilexit multum ⁷⁰. Flet humilius princeps apostolorum Petrus, qui magistrum negaverat, et misericorditer a magistro respicitor ⁷¹. Latro se humilius accusat, et ei promittitur: Hodie tecum eris in paradyso ⁷².

CAP. XIX. Quid mali humilitas noui auferit? Quid boni non confert? Humilitas humiliis regnum effert, quod auferit superbia superbis. David humilius Deus elegit, superbum Saulum stravit. Probatur, quem populus non agnoverat; spurnitur, qui super populum regnaverat. Hic, de post fetan'es ad regnum; ille a regno destinatur ad supplicium.

⁶⁴ Psal. 44. ⁶⁵ Galat. 4. ⁶⁶ Luc. 2. ⁶⁷ Matth. 11. ⁶⁸ Jon. 3. ⁶⁹ II Reg. 12. ⁷⁰ Luc. 22. ⁷¹ Matth. 26. ⁷² Luc. 23. ⁷³ Psal. 143. ⁷⁴ Ibid. ⁷⁵ I Cor. 15. ⁷⁶ Psal. 143. ⁷⁷ Rom. 8. ⁷⁸ Ibid. ⁷⁹ Rom. 7. ⁸⁰ Ibid. ⁷⁷ Prov. 8. ⁷⁸ Psal. 143. ⁷⁹ Psal. 75.

A David ante regnum humilius, humilius exstitit in regno. Rex erat potentissimus, et universi vocabant eum regem et dominum. Ipse vocavit se, pulvereum, pulicem, cinerem et canem mortuum. Terminos populorum sibi subdiderat, sed cui ascerbebat? cui attribuebat? Nihil sibi, to'um Deo. *Is Deo, inquit, speravi, qui subdidit populum meum sub me* ⁸¹. Et ne propter subditum a Deo sibi populum superbire videretur, consequenter subdidit: *Domine, quid est homo, quia innotuisti ei?* Homo vanitati similis factus est; dies ejus sicut umbra prætereunt ⁸². Considerent reges haec verba regis, humilia, nobilia. Quæ quanto humilius prolata sunt, tanto insignius nobilitat ea humilitas. Considerent reges verba regis; considerent pontifices his similia verba pontificis; qui, cum plus se cæteris labrasse dixisset, ne virtuti suæ videretur tribuisse quod fecerat, continuo subjunxit: *Non autem ego, sed gratia Dei mecum* ⁸³. Sed quid est quod dicit: *Non autem ego, sed gratia Dei mecum?* Quomodo non egit ipse, sed gratia Dei cum ipso? Aut quomodo egit gratia Dei cum ipso, si ipse non egit? Idem est ac si ipse diceret: *Non autem ego, sed ego.* Quoniam enim sola Dei gratia præventus est, dicit: *Non ego.* Quoniam vero cooperando Dei gratiam subsecutus est, dicere potuit et ego. Dixerat autem rex ille: *Homo vanitati similis factus est* ⁸⁴. Dicit pontifex iste: *Omnis creatura vanitatis subjecta est* ⁸⁵; et idem: *Omnis creatura ingemiscit et parturit adhuc* ⁸⁶. Et ne pontificalis hunc dignitas vanitatis hujus expertem servare viderentur, addit, et non solum illa, sed et nos ipsi, primicias spiritus habentes, intra nos gemimus. Hinc auxius et ingemiscens, et ab hac vanitate querens liberationem, a gemitu prorumpit in clamorem: *Infelix ego homo, quis me liberabit de corpore mortis hujus* ⁸⁷. Quo uno, quo unico volente ac valente liberare experio, securus de deposita justitiae corona, sibimet respondet: *Gratia Dei per Jesum Christum Dominum meum* ⁸⁸. Hos ergo duos regum pontificumque patronos, reges initentur atque pontifices. Regem reges, ut quanto latiora sibi regna subduntur, quanto de die in diem amplificantur, quanto plus eis honoris impenditur; humiliiores efficiantur, et gratias agant datori. Datori, dico non dictori. Datori qui dedit, ut inde plus humilient; non dictori qui dicit, ut inde plus jactent. Quod namque crescentibus donis non tam gaudendum quam de ratione donorum metuendum est. Ita, cum prædicto regem reges gaudere debent ut metuant. Qui facit unde reges gaudent, facit unde reges contremiscant. Ipse namque est per quem reges regnant ⁸⁹. Ipse, qui dat salutem regibus ⁹⁰. Ipse, qui subdit eis populos; est idem ipse qui auferit spiritum principum; terribilis apud omnes reges terræ ⁹¹. Ipse est qui

facit ut potentes potenter tormenta patientur ⁸⁰. Unde operæ pretium est ut, cum reges sibi regnum subjungant, cum de hostibus triumphant, scipios ipsi sentiant esse homines, qui ab hominibus sentiuntur reges. Sese cum fidelissimo centurione reminiscantur homines sub potestate constitutos, qui sub se milites habent ⁸¹; et, cum rege sanctissimo sape, inno semper dicant : *Quid retribuemus Domino pro omnibus quæ retribuit nobis* ⁸²?

CAP. XX. Illum quoque, qui se abortivum et minimum apostolorum dicebat, pontificem, pontifices imitentur. Ut cum jam dictas venerationes recipiunt, cum in foro salutationes audiunt, cum ab hominibus Rabbi vocantur, cum primi recubitus eis in cœnis parantur; non super his gaudent, non extollantur, non propter hoc dilatent phylacteria sua, neque magnificent simbrias ⁸³; sed hæc audiendo, videndo, recipiendo, magis ac magis timeant, trement et formident. Et omnia hæc dolorem, non delicias; non opes, sed inopias sibi conaumerent. In his omnibus onera, non honores considerent. Quid enim justo perniciosius, quam quod justus videri desideret; quod ad salutationes in foro hilarescat et exsultet; quod adulatio[n]is favore demulceatur? In talibus hominem homo diffitens, æqualem se superis metitur et mentitur. Metitur se superis æqualem, qui paucoru[m] quæ vix ministrat bonorum æstimat se factorem; et inde laudem quærens, omnium bonorum auctorem, cuius gratia prædicandos sibi titulos cumulavit, obliviscitur: quod suum est elationis. Postquam enim fidelis anima de abyso vitiiorum emergens, ad salutare virtutum culmen ascendit, velut ex insidiis prosilit et occurrit elatio; totum dominus Domini ædificium concussum ad ruinam suppressit, quod jam surrexerat ad consummationem. Sed inanes hujusmodi venerationes, imo venationes, duo prætaxati rex et pontifex non ap[er]tebant: qui nec de bonis gloriam usurpare volerant. Recoleto dicta sanctissimi regis, et audio regem humilem altissimo regi dicentem: *Non nobis, Domine, non nobis; sed nomini tuo da gloriam* ⁸⁴. Revolvo scripta sancti pontificis, et scriptum invengo: *Gratia Dei sum id quod sum* ⁸⁵.

CAP. XXI. Ad pontifices qui sunt, habebam modo sermonem. Sed currit sermo velociter a cæteris ad cæteros. Unde gloria, gloria hæc est, dicant dicti pontifices. Si enim sunt quales a domesticis suis hostibus prædicantur, quid sibi de gloria in se, non in Domino? Quid commendabile in se sentiunt a se? quid habent quod non acceperunt? quid gloriantur quasi non acceperint ⁸⁶? quare non timent illud audire: *Gloriam ab invicem quaritis, et gloriam quæ a solo Deo est non vultis* ⁸⁷? Vel magis illud: Recepistis mercedem vestram ⁸⁸. Vel, dum apud vendentes oleum lanius comimorantur, sponsor obserari non formidant ⁸⁹. Credo non confi-

dunt de conscientia sua, cui nil boni committunt; quam bonis evacuant omnibus, cuius thesaurum piratis ac publicis exponunt prædonibus. Non currant quidem clarere præconio, si conscientiæ suæ propriae contenti essent testimonio; quo contentus erat qui dicebat: *Gloria nostra hæc est, testimonium conscientiae nostræ* ⁹⁰. Nullum vero bonum in hujusmodi conscientia restat. Ubi, si aliquid forte conceperant; violenter parturientes, aborsum coguntur parere animæ, quas ligantes in peccatis adulantium linguae, quod justus scintillare cœperat, extinguunt et incinerat.

CAP. XXII. Si vero bona in se non sentiant, quæ de se prædicari audiunt, quare linguis miseris misériores ipsi miseris præbent aures? Heu, heu, dum male gloriantur et presumunt quod non sunt, in confusione consternuntur, et amittunt quod sunt. O cæca hominum providentia! o stolidæ prudētia! Magna cauent a furibus sollicitudine, ne suam unam furentur ovem; majori, ne bovem; minima vel nulla, ne mentem. Sollicite ab his cauent qui furantur res hominum, non ab his qui furantur rerum dominos, homines. Censem custodiunt; sensu vero custodire negligunt. In censu sunt avari, in sensu prodigi, in neutro largi. Res suas a furibus custodiunt, semetipsos furibus exponunt. Quanto aurum aure pretiosius! custoditur a furibus aurum, exponitur furibus auris. Quid in homine pretiosius mente? Quid in homine vilius mendacio? Mendaciū auditur, et mendacio mens emitur. O si res dici possint, rerum disparium commercium! Ubi tam carum, tam vile comparatum est; ubi quod in mundo pretiosius est, quod inter res optima res est, eo quod in mundo abjectius est, quod res non est, imo quod nihil est, tam imprudenter emptum est. Quid est mens? Quid est mendacium? Mens est sanctum quoddam, quiddam purissimum; mendacium est quoddam seu quiddam spurcissimum. Mens aliquid magnum est; mendacium magnum nihil est. Omni peccato, mendacium magis nihil est. O infelices hujusmodi mercatores, qui seipso vendunt, et suinet ipsorum prelium ipsum nihil accipiunt! Legunt, sed negligunt, vanos esse filios hominum in stateris, ut decipient de vanitate in id ipsum ⁹¹. Legunt, sed non intelligunt, sic beatificantes a se beatificatos in errorem mittente. Erunt, inquit, qui beatificant sedentes, et qui beatificantur præcipitati ⁹². Quæ si recte intelligerent, non illos eligerent, sed fugarent et fugerent. Ad quos procul a se fugandos, armat regem et prophetam suum, Rex regum et prophetarum; primum ab ipso quærens quæ arma contra hujusmodi valent: *Quid, inquit, detur, aut quid apponatur tibi ad lin-gnam dolosam* ⁹³? Mox ipsum instruit et munit: *Sagittæ, inquit, potentis acutæ, cum carbonibus suis desolatoriis* ⁹⁴. Dat sagittas, apponit carbones. Sa-

D

90 Sap. 6. 91 Luc. 7. 92 Psal. 115. 93 Matth. 23. 94 Psal. 113. 95 I Cor. 15. 96 I Cor. 4. 97 Joan. 5. 98 Matth. 5. 99 Matth. 25. 100 II Cor. 1. 101 Psal. 61. 102 Isa. 9. 103 Psal. 119. 104 Ibid.

gittas ad defendendum et fugandum ; carbones ad consolandum. Sagittae namque potentis, verba sunt Salvatoris, quæ faciunt vulnus non livoris, sed amoris ; quæ linguas adulantium superant ; si addantur carbones desolatorii, exempla scilicet sanctorum de iniunctitate conversorum. Qui recte carbones dicuntur, quia de mortuis reviviscunt, et exhibiti alii alios incendunt ; et desolatorii, quia spiritum consolando, carnales desolantur affectiones. Postmodum divinorum eloquiorum sagittis, atque sanctorum paradigmatis propheta munitus, lætus exsultit qui lugebat, fatus qui pavebat. Pavebat enim Omnipotens de secretis, quod non pavent apocriarii Belial¹². Cavebat, quos ipsi non carent qui vehementi gaudent lætitia, cum eos inveniunt sibi sepulcrum.

CAP. XXIII. Induratum est cor Pharaonis, sed hi magis indurati sunt Pharaone. Pharaon quomodo sustinuerat septem præcedentes plagas, sed succedentem octavam locustarum sustinere non potuit. *Ventus*, inquit, *wrens levavit locutas et operuerunt universam faciem terræ et comedenter omnem herbam, et quidquid pomorum fuit in arboribus*¹³. Quibus excitatus Pharaon, non ultra sedet, sed festinus surrexit et clamavit ad Moysen et Aaron. Quid autem intellexit per locutas, quæ ducem non habent, nisi adulatores, qui nec hominem verebantur, nec Deum timent ? Quid? accendentibus de-

A voratur herba ; quia quorum sunt sautores, verbis annibilant verba ; et arboreum poma devorant, cu*m* eorum etiam opera qui fortissimi videntur, enervant. His subito visis, excitatus illico Pharaon ; non ultra sedet, sed surgit festinus. Terruit Pharaonem terribile quod videbatur, non istos terret terribilis quod intelligebatur. Terruit illum figura pestis futura, non istos pestis completa promissa futura. Timuit ille ventum de longe minantem ; non timent isti grandinarem, non timent necantem novellas fruges mentium, non timent fulminum ictus ferientium. Timuit ille sagittam adhuc in pharetra latenter, quam non timent isti de arcu prosilientem. Non sedet, inquit, ultra, sed surrexit Pharaon festinus, et clamavit ad Moysen et Aaron : *Peccavi in Dominum Deum vestrum et in vos*¹⁴. Nostris vero Pharaones quando dicent, Peccavimus ? Quorum universa negotia antequam flant jam sepe dictæ tam honestæ, tam idoneæ personæ præmasticatione subdola fabricant. Quando dicent, peccavimus ; qui majores ecclesias clavis Parthenonibus suis regendas commiserunt ; quibus etiam ipsi seipso gloriosos fecere Thrasones. Tales namque quanto alter altero fraudulentior, quanto a prælatis creditur facinorosior; in majoribus ecclesiis loca concedunt altiora ; et minor habetur in sede, qui minor auditur in scelere.

EXPLICIT PARS TERTIA.

INCIPIUNT CAPITULA QUARTÆ ET ULTIMÆ PARTIS.

- CAPITULUM I. Quod eos per triduum ab archidiaconis audiri, nec obest nec prodest.
 2. Non recedere vacuos ordinibus, qui non accedant vacuis manibus.
 3. Secure accedere, qui sic accedunti.
 4. Qui pro tali respondeant ad altare, et quid sibi injungatur.
 5. Eadem lege Ecclesiam sibi committi qua fuerat ordinatus.
 6. In sola iniunctate æquos esse, qui in cæteris omnibus sunt iniqui.
 7. Quæ sunt decreta Simonis.
 8. Ipsos procul audire et odorari qui habeant.
 9. Hucusque, quales sunt et quales habent, dixisse ; non quales abjiciunt.

- C 10. Nihil in his eos intelligere, nisi populum filiorum Israel opprimere.
 11. Adhuc protenditur clamor Ecclesiæ, pro rege et pro filiis.
 12. Regem regum bis intrasse templum, non sine causa.
 13. Nec sine causa festinanter eum ejecisse vendentes et ementes.
 14. Regem non debere sustinere tantum Ecclesiæ damnum.
 15. Quid sit velle scriptoris super his ; et, de sola charitate scripsisse, et plus debuisse dixisse.
 16. Alia ratio, quod non odio scripsit, nec esse comburendum, nec nimis prolixum opus.

PARS QUARTA.

CAP. I. In minoribus ecclesiis quales intromittuntur, non sine pudore dicere quo. Quæruntur, ut dignum est, qui digni sunt ; sed unum est quod dignos efficit, dignitas habendi. Soli habentes apud dictos episcopos ordinibus digni judicantur et ec-

clesiis. Solet ante celebrationem ordinum, ut qui digni sunt ordinandi pateat, periculum in litteris fieri ; et a quarta feria canonice statuta præcedere disquisitio. Modo multo dignius videmus fieri ; cum per totum annum qui digni sunt audiri non cesseant

¹² II Reg. 32. ¹³ Exod. 10. ¹⁴ Ibid.

auditores indefessi. Sed ad hos audiendos, non libri sed libere revolvuntur. Non queritur quantum legerunt, sed quantum collegerunt; non quantum didicerunt, sed quantum dederunt. Non queritur quid sciant, sed quid habeant; non quid habeant in anima, sed quid in arca; non quid in animo, sed quid in horreo. Quoniam apud hujusmodi auditores facilius impetrant apothecæ quam bibliothecæ; suffragia et dona cellarii quam bona sacrarii. Non curatur utrum accedant honesti, sed quam onusti. Sese tamen prius exponerat honoris onustis, pretiosis tamen ratis oueribus, ne honorum ponderositas alia eos sarcina gravatos inveniat, et duplice pondere pressos in præcepis ire compellat. De parentibus et parentela non curatur, si habeant. Quoniam omnes pariter habentes, facit pariter habere nobiles, et neminem suorum vivere degenerem. Murmurant saepe contra ordinandos aulicis decuriones; sed omnis in fine murmuratio cessat. Omnia denique sunt pacificata, omnia reformata, a planta pedis usque ad verticem, tota curia sedata: sancti Patres marcis, Patronum nepotes libris, consiliarii solidis, ostiarii donariis. Nec propter hoc restant anseres et altilia, carnes, pisces et diversi generis volatiliz, ut utrique ventris et bursæ satisfiat famelicæ voracitatì.

CAP. II. Si vero sic auditi a Patribus, imo ab antipatribus per totum annum, rursus ab archidiaconibus audiantur per præcedens triduum; nec officit, nec proficit. Admirantibus enim ipsis qui audiunt archidiaconis, quos liber improbat, approbantur, et quos approbat improbantur. Si super his dubii presumant querere, quare; audiunt sibi responsum: « Non est vestrum nosse tempora, quæ Patres posuerunt in sua potestate. » Nisi tandem archidiaconi simul et nepotes sint; nisi sint de felicibus illis, quos inter purpureos curialium choros sanguis vel adulatio Nazareos efficit; quibus datum est nosse mysteria regni hujus mundi. Cæteris enim omnia fiunt in parabolis.

CAP. III. Per totum igitur annum audit, a perfecte probatis perfectissime probati; secundum Quartuor Temporum varietates, quater in anno consideranter accedunt ad pontifices ordinandi. Qui si de rebus unicuique temporis congruis copiose Patres honorent; venientibus Patres assurgunt, congratulantur accedentibus. Hoc modo filios amplectuntur simul et osculantur. Clausus illos recipit liber, in quo his nihil difficile scriptum est. Et propter quadripartiti temporis obsequium probantur totum legisse, ac memoriter tenuisse quadrivium. Quoniam vero de tribus inferioribus elementis sunt quæcunque convenientia pontificibus offerunt munera; propter triplicem hujusmodi varietatem, trium perfecte didicisse reperiuntur. De bonis siquidem superioris elementi non curant antistites isti. Bonum enim cælesti venter non devorat, bursa non includit, arca non incarcerat. Ipsu-

A quoque bonum designatur et ab orret; quieti, deliciis et sopori vacantes; quod vix a sobriis acquiritur cum labore. Laborem vero negat dominis delicata Domini natura; quibus etiam morbus est incurabilis ipse timor insinuandi. Non enim, inquietunt, bonum, quod nulli sanum est; nec sanum est, quod pectori nocet aut capiti. His vero minimum officit invisibilium nimia meditatio bonorum. Pectus enim siccatur, mentem lacerat, cerebrum infatuat, totum hominem attenuat contemplatio jugis. Et nisi in prima febris hujus accessione succurratur a physicis, facile phthisis incurritur. Vel, si pinguis est persona quæ phthisim evasisse videatur, non minus ei cavendum est ab orationibus et vigilias. Nam ex his nimia contracta sitis, ex quo superfluis et immoderatis potibus restingui non potest, turgidam, inflantem, sitientem generat hydropisim. Ex his inferunt, non est bonum contemplari cum labore; ubi consueta sine labore gratam dat actio quietem. Appetamus ergo bona quæ nutrit, non quæ nutrita destruunt. His auditis, secure veniunt qui ordinandi sunt. Quos antequam ordinentur, præterita de futuris in tantum certificant, ut a cæteris qui rem neverunt etiam ante ordines appellentur ordinati; et pro variis trium aut quatuor prædictorum servitiis, a cæteris dicantur terque quaterque beati. Qui in supradictis audit, si velint in aliis adhuc audiri, ut luculenta magis eorum sapientia pateat, se doctos indicent vendenda emere et empta revendere, lucrumque quolibet modo multiplicatum Domino suo reportent. Quo facto, propter geminam negotiandi scientiam, in utroque Testamento non modo docti, sed doctores inveniuntur. A Domino suo plene laudantur; a curia tota beatantur; cæteri a cæteris judicantur: « Hi sunt, inquit, qui proferunt de thesauris suis nova et vetera. » De cæteris quæ ante ordines queri solent; de moribus scilicet et vita ordinandorum; utrum etiam legitime nati sint: nihil ultra querendum prudentissima consulti dispensatio. Non est enim querendum de matrimonio, ubi tanta potest scientia perfectio. De moribus et vita non queritur, quæ sapientiae conformari non ambigitur. Si enim vita vel morum hos perversio detur, paret aut hebes aut nulla eorum penitus esset sapientia.

CAP. IV. Post hæc nihil restat, nisi ecclesiam intrare. Ubi multa queruntur, sed adsunt qui respondent. Pontifice querente, de sic accidente, utrum velit ordinari; respondens subjungit pecunia: *Volo.* Querente, utrum sit dignus; respondens subnecit argentum: *Dignus.* Querente utrum sit justus; respondens submurmurat aurum: *Justissimus.* His auditis, Pater lacrymans filio dat osculum, et benedicit ei, dicens: *De tibi Deus de pinguedine terræ abundantiam frumenti, vini et olei, et serviant tibi populi.* De rore cœli ^{**}, prætermittitur; quia venter eorum rorem cœli non querit. Deinde, licet per se

doctus sit, auctoritate tamen pontificali, de lege et propheticis quædam ei memoriter tenenda commemorat, dicens : *Fili, memento nostri in beneplacito tuo, et visita nos*⁹⁷. Item : *Veni, festina et noli tardare*. Et illud de canto amoris : *Revertere, revertere, ut intueamur te*⁹⁸. Tandem inter cætera, quæ tenaciori desiderat commendari memoriae. illud legis postremum instillat anibus : *Non appareas in conspectu Domini tui vacans*⁹⁹. Denique Filius sanctissimus a Patre sanctissimo sanctissime recedit exsecus atus.

CAP. V. Semel itaque ministerii sui reverenda irreverenter peracta celebratione, aliquem forte videt in confusio simplicem sive decrepitum, de cuius ab ecclesia sua supplantatione, una hujus cura est et parentum. Quo concepto scelere, festinanter cum amicis redit ad pontificem ; ut quo simul sunt imprægnati, venenosum germen in gremium pastoris simul infundant. Quibus penitus expoliatis rebus pariter et sensibus ; sub quo fuerat ordinatus, sub eodem canone sacerdos regreditur ecclesiasticus. Hæc enim ab his episcopis in tanto tenore Regula custoditur, ut si vestigialia Simoniae non exigendo semel se designasse recordentur, irremissibilius quam in Spiritum sanctum credant se peccasse. Qui nisi de die in diem solito dolosius et inhonestius agendo proficiunt unum, in omnibus ab eis detestabile timetur virtutis crimen incurgere. Unde si contra Simoniae majestatem eos aliquando facere cogat penuria et paucitas emptorum, longe lateque diffusi sunt præcones, qui die noctuque clamare non cessant : *Messis quidem multa, operarii vero pauci*¹⁰⁰. Omnes sicutientes venite, et qui habetis argentum, properate, emite. Venite, inquiunt, secure ; quoniam omni habenti dabitur, et non habenti auferetur¹⁰¹. Compelluntur igitur de longinquò venire qui habent ; procul ejectis et exterminatis, qui non habent, indigenis.

CAP. VI. Et ut quantum quanto juste respondeat, de longe venientia trutinantes munera stateræ secretioribus parata sunt in cameris ; ut qui plus auri, plus Dei, qui plus pecunie largitur, plus sibi gratiae sine fraude rependatur. Facit enim in hujusmodi fraus ipsa, ut tota sine fraude res agatur ; cum totum fraudulenter agendo, solo tramite fraudis recte inceditur, et in nullo penitus a fraude devietur. Unde viatores hujus itineris in hunc solum timent errorem incidere deviationis, ut quoties negotia doli et vim falsitatis exsequuntur, alicujus seductione virtutis decepti, a dolo ad verum, a devio ad rectum divertant ; quos a via sua nunquam deviare, est numquam ad viam reverti. A via nempe sua nimium deviarent, si qui fiducialiter aurum suum justis pontificum commisere stateris, talionem non recipieren, juxta preiuia et valentiam ponderati æris. Unde provide circumspiciuntur, et, circumspecte provident, ut nihil fraudis in fraudis negotio com-

A mutatio patiatur ; sed totum utriusque partis commercium soli utrinque pariter assentiat æquitati. In quo facto miro modo cernitur, ut qui in omnibus iniqui sunt, in sola iniquitate reperiantur æquissimi. Huic vero nequissimæ æquitati tantam eos operam dare credimus, ut sui Simonis magistri in omnibus et per omnia obedient mandatis. Legunt enim in decretis avari Simonis, quod multa danti carnalia, multa danda sunt spiritualia.

CAP. VII. Qui dederit, inquit, Simoni multas auri vel argenti marcas, multas et magni nominis habere meretur ecclesias. Qui lapides pretiosos, pretiosus habendus est super populos. Qui multas solidorum libras, solidæ huic ecclesiæ librahuntur. Qui multas equas, æquabile non æquale munus accipit. Qui multas vaccas, non vacabit, sed multas possidebit animas. Qui multas oves, ovabit multarum factus spiritualium pastor ovium. Hæc et similia decreta a dictis pontificibus tanta caventur violari cautela, quod levius ducerent se molæ ligatos asinariæ in profundum maris demergi¹⁰², quam de his et similibus eorum magistri Simonis assertionibus iota unum perire aut apicem. Sed quot et quantas, in hujusmodi jocis, litoras in litteris lacrymæ meæ secere, ipsa quam meis scripsi fere deleta pagina manibus testatur. Scio, quod nec latet me, quod hæc et cætera in hunc modum scripta, more meo jocando scriptissime videbor. Nam juxta dictum Apostoli tempus videns ego ridendi tempus et flendi¹⁰³ ; obsecrandi, increpandi, opportune importune instandi¹ ; saepè, post duras increpationes, leves pariter et lugubres in multis voluminis hujus locis exhortationes interseruisse me recordor. Oportuit etiam me ludentis habere verba, qui deslentis et ridentis Ecclesiæ locum in enarrata quantum potui serie supplici, servaturus idem iis enarranda. Luget enim hic incessanter cum filiis suis prætaxatis qui pontifices a simplicibus appellantur, exsul et anxia, illa quæ sursum est Jerusalem libera, mater nostra ; quæ sub quibus luget, eosdem, vilibus hic sanctius occupatos, desuper, ubi grassanti stultitia non est fas aspirare, non minus irridet. Irridendo enim censem supercœlestis curia, quos diu incurvavit idolis avaritia ; quos diu coegit antea sua ludere sculptilia ; quorum neomenias odit ; et nullam in eis de propitiando reatu spem habens, quibus ipsa propitiatio sua vertitur in reatum. Hinc quoque dictis indigne Patribus, digne a filiis qui essent, si Patres haberent, illuditur. Hinc et ego memetipsum recolo saepè luctum ludis intercidisse necessariis. Noveram enim non inutilem esse doctrinam, in qua ludo luctus et luctu ludus interciditur. Nam, dum vicibus alternis se invicem hæc duo tuentur, nec in luctu luctus aliquam sinit aperiri rimulam, qua mendax hypocrisis irrepat ; nec in ludo quem luctus coercet dissolutæ fas letitiae conceditur, et veritatem excludat ; nec dissolutam ego, nec ineptam jocosis

⁹⁷ Psal. 105. ⁹⁸ Cant. 6. ⁹⁹ Exod. 9. ¹⁰⁰ Matth. 9. ¹⁰¹ Matth. 13. ¹⁰² Matth. 48. ¹⁰³ Eccl. 3.

¹ II Tim. 4.

syllabis suspicor inesse lætitiam, ubi salva salvator majestas et reverentia veritatis. Quæ autem et quam speciosa, per totum hoc opus, ubique jocari jussim, sub joco lateat veritas, enucleandum ingeniosis relinquo. Et ut veritatem mecum intelligent, intellectamque discutiant, pigris ut excitentur, studiosis ut exerceantur, jugem operam indico. His enim supersedere compellor, transiturus ad ea quæ faciunt dicti pontifices juxta tenorem prædictorum magistri sui mandatorum. Quorum aut in nullo aut in modico transgressores existunt.

CAP. VIII. Aures habent audiendi pontifices et nares odorandi, de longe sentiunt, quorum sunt plena promptuaria, oves fetosæ, boves crassæ¹¹. Quorum, etsi multos in domibus inventant filios filias compositos templo similes ornato, non subsannant, non abhorrent; sed benedicunt populum cui hæc sunt; nos judicant solos servire dignos altario. Antequam tamen judicent securi de pretio. Nemini enim datur intrandi licentia, donec pontifici toto reddito peculio, inania silent animalium stabula. Multa enim variaque supellectile vacua raimentæ ædes dominorum. Non ut prius eructant ex hoc in illud promptuaria. Intercedunt enim pro dominis apud pontifices hæc omnia. Quibus perpetua supplicantibus intercessione, nulla retrorsum patent vestigia. Horum autem domini, non a mercede fraudantur optata; quos, his digne receptis, digne recipit Ecclesia. Hos sancti aiunt antipates in domo Dei digne celebrare, digne clareque cantare; qui C mihi magis mugire videntur. Quanquam enim dulcis vocem cantilenæ hominis ore modulentur exterius; animalis introrsus ore frendentes, omni tauro de mentius homines mugunt animales.

CAP. IX. Ecce, quales existentes, quales habent. Sed, unde plus dolendum est, quales objiciunt, quos et a quibus volunt nec videre nec videri. Neminem opinor latere prudentem, quod sicut omnino sibi similes supradictos eligunt, sic illis et sibi dissimiles dissimiliter negligunt. In illis non placent eis nisi mala; in istis non placent eis, imo displicent, nisi bona. Placet illis in illis rudis imperitia, stulta simplicitas, hebes ignorantia, obstinata difficultas, curæ inutiles, illicitæ cupiditates, sacrilegi mores seu errores, timor vanus, amor noxius, pudenda gaudia, fides perdita, spes relicta, charitas neglecta, intelligentia abjecta, voluntas captiva. Quos simul omnes princeps hujus mundi fecit, regnum suum; fortis armatus, atrium suum; pater tenebrarum, tenebrosum habitaculum suum. Si forte sint aliqui, in quibus videant bona malis positis opposita; quorum dies sobrii, noctes pudicæ, vigiliæ sanctæ, sopor castus, actus probi, conversatio honesta, vita ex omni parte sibi consentiens; vita in se pretiosa, in cæteris fructuosa; quorum depellit languorem, torporem, errorem, infirmitatem animi juvando; negligentiam, exhortando; ignorantiam, erudiendo; si tales, inquam, inveniant paucos; quantum possunt

A pauciores faciunt et annullant, honestos reprobant, probos dehonstant, simplices fugant, prudentes fugiunt, mansuetos exasperant, humiles persequuntur. Si crimen queritur, quod tanta infestatione sones in insolitus ulciscantur? verum in eis tamen destabiliter reperitur honesta conversatio. Nec mirum; quoniam a primo heri usque hodie, innocentia ipsam quam patitur instigat invidiam, et æmulos in se sancta inicit vita. Auditis aliorum morbis, inse tabescunt; audita cæterorum bona conversatione, febricitant; aliorum sapientia est illis altera paralysis; et quæ apud alios juvat, apud istos habent scientia, non solum apud eos habenti habita, sed non habentibus officit audita. Nam propter sapientes, quos habent odio, displicet eis in cæteris falsum nomen sapientis et opinio. Si quis liberius et expeditius varet orationi, manum a secularibus retrahat, in mente revocet; nimis simplex ab his judicatur, et idiota. Si quis libris invigilet, lectioni det operam, sapientes audiat: hunc dicunt inertem et ineptum, cordis pusillanimitate cæteris postpositis ineptias et otia sectari. Disceptantes et conquirentes invicem, ut veritas in dubiis eluceat; verbosos aiunt, et garrulos, et totam eorum rationationem ascribunt phrenesi vel melancholiæ, qui se potius plangere debeant peccatorum morbo languentes, et phrenesi criminum laborantes. Mandatorum cultores, vitiorum ultores dicunt dæmoniacos, et ab eis cavendum prædicant per plateas.

B **CAP. X.** Quid autem in his sentire debemus, nisi, Joseph ignorato, filios Israel opprimere, ne forte multiplicentur? Nonne proponunt eis magistros operum, qui duris eos luti et lateris operibus affligunt, cum cenodoxis suis, mendaciis et parasitis subdunt conculecandos. Hi sunt coadjutores eorum, qui prudentiores filii lucis in generatione sua, suam et dominorum rapacem ingluviem assiduis non cessent urgere capturis. Insidiantur ut rapiant, rapiunt ut devorent, et qui rapuerunt, validiori fame cruciantur. Opes et illis et dominis suis exuberant, sed egestate torquentur. Quorum bursas paupertas evacuat, fames exinanivit horrea, sitis exhaustit apothecas. Liber ab his non legitur, nisi liber extortio, quem nullies in die revolvunt. Quibus circumquaque depraedantibus, ditatur, et diademate incedit ornatus Pharaon, Israel autem oneratus cophino, onere pressus, honore privatus, labore fatigatus, afflictus miseriis, lacessitus injuriis gemit, luget, pulsat cœlum clamoribus, pedes Patris orphanorum lacrymis madefacit, clamat etiam, gemit et suspirat, ad protectorem suum regem Anglie, ducem Aquitanie; ut illi videre placeat afflictionem Ecclesie suæ, duriter ab Aegyptis oppressæ. Clamat etiam pro se, clamat pro filiis, imo clamant Ecclesie multæ; cui fraus imperat, dolus principatur. Clamat Ecclesia pro filiis, quibus ubera pueris, panem coacta negat adulis. Stupet mater, quos odit, in gremio se sovere privignos;

¹¹ Psal. 143.

sed magis stupet, filii se novercari dilectis, alienis servire pro suis, hostibus pro amicis, pro patribus parricidis, pro sponsis adulteris, pro Simone Petro Simoni Mago, pro Deo mammona et dæmoni. Dolet ut videt sponsa, naribus polluta porcorum monilia, quibus olim ornata sponso placbat cœlesti. Halitat in parietinis, ubi multiplici patente damno ruinarum, judec excelsæ remanet spiritualis aula vestigium, et regie domus imago. Exsulat cum filiis suis intra parietes proprios; unde uno multorum suspicio, uno dolentium planctu, una sui et filiorum lacryma, a rege sibi divinitus dato flagitat consilium, implorat auxilium, auxilium a potente, consilium a puerlente. Moveat regem domus Dei, opponat se murum pro domo Israel, quam sibi templum elegit rex sublimis, rex humilis; qui et homo natus est in ea, et ipse fundavit eam Rex altissimus¹. In qua pauper est et dives; in qua laborat ipse viator, et quiescit habitator; in qua temporale petit ipse viaticum, et panem largitur æternum; peregrinatur, et regnat. Sed ubi peregrinatur, a regibus postulat auxilia; ubi regnat, regibus donat miranda stipendia. Placeat regi Regis magni douum videre; videri tamen verecundantem, videri formidantem. Unde non verecundabitur? Unde non timebit? Erebescit dominus orationis, sed factam esse speluncam latronum². Erebescit, quod principes sui faciunt socii furum, diligunt munera, sequuntur retributio[n]es³. Timet, quæ etiam a suis secura non est. Homines enim pacis suæ, qui comedunt panes suos, magnificant super eos supplantationem. Timet et dolet, quæ ab intrantibus aliunde, non per ostium, se laedi sentit et violari. Sed magis timet quam sibi prope videt, nisi prope subveniatur, funditus immovere subversionem.

CAP. XI. Placeat ergo Regi reginæ subvenire, sponsæ summi Regis. Placeat diligenter inspicere, quales in antedictis Aquitaniae Patribus ecclesiis præsunt, dominantur et disponunt; quales ibidem mendicant et exsulant. Dignetur dux et rector a Deo datus, nec non modo cæteris, sed et clero. Deinde cæteris dignetur prædictus rex prædictæ nationis clerum ante suam convocare præsentiam; videat, interroget, audiat ipse præsentes. Tunc credet dominus meus rex oculis suis et auribus; credet sibi, non mihi homini contemptibili, qui de longe rogo, supplico. Supplico pro cæteris magis quam pro me; cui divitias præstat exsilium, delicias parat exterminium; cui peregrinatio felix, fertilis incolatus, felix prime felicitatis oblivio, lenis austeritas, crudelitas blanda, dulcis amaritudo, patrum patriæ mutatio jucunda: cui transalpinam se dedit in sociam gratia hæta comes:

Qua cunctis placui, cunctique mihi placuere. Italus enim risit, applausit Appulus, Siculus obsecutus est, auxit Romanus honores. Pro cæteris itaque rogo, quos apud seipso exsulare cogit dulcis

A in se patria, in Patribus amara; non pro me qui feliciter exsulo. Moveat regem miseræ lacryme pietatis, planetus innocentiae, passio charitatis, gemitus humilitatis, clamores justitiae, silentia benignitatis, vulnera patientiae, compassio charitatis, suspiria prudentiae, scandala simplicitatis, pudoris violentiae, læsiones integritatis. Placeat et videat quanta sit in partibus illis multitudo proborum, honestorum, prudentis et simplicis vite conversationis optimæ, quorum quia materia rebus gerendis deficit, virtus tacita consernescit. Quibus sub memoratis sœpe Patribus mater Ecclesia providere nec ausum habet, nec facultatem. Tunc ipse governit, in quam honestos usus, in quo in quam miseros et profanos abusus, res ecclesiasticae simul omnes, proh dolor! expendentur in sumum et cinereum rediguntur, pegitus consumuntur. Quo viso, quo cognito, quo certo comperto, quid deinceps facturus est, quid sit super his facturus rex ipse sciens, ipse cogitabit, curabit, persiciet; ipse, ut si dñs sisque consulat, suos et se consulat.

CAP. XII. Unum tamen scio, et sine præjudicio dico, quod rex ille magnus, regum omnium potentissimus, qui vices et jura sua regibus suis exequenda commisit, bis a templo ementes et vendentes ejecturnus, bis ad hoc templum intravit, bis ejiciendos ejecit. In quo facto, non solum ejectio, sed ejectionis modus attendendus est. Legi Evangelium, quod ementes et vendentes a templo docet ejectos et verbo et verbere⁴. Legi Evangelium, quod ejectionem loquitur, et verbora silet⁵. Quod non casu, sed causa credo providentia factum. Rex enim ille cuius actiones vitæ regiae sunt institutiones, dum adhuc in terris videretur, dum adhuc cum hominibus conversaretur⁶, quoniam ipse erat et pontifex, posteros suos reges et pontifices, in hoc facto docuit quid facerent et idem faciendi dedit audaciam: intravit templum, intravit semel, intravit iterum. Intravit rex, intravit pontifex. Rex ejecit ejiciendos, ejiciendos ejecit pontifex. Ejecit gladio regis, ejecit gladio pontificis. Ejecit lingua, ejecit manu; ejecit verbo, ejecit verbere. Ille unus gladium utrumque quando placuit exercuit. Ipse, quandiu placuit, occultum utrumque tenuit; utrumque in vaginam humilitatis ad tempus humiliat oœcultavit; utrumque loco et tempore mirabiliter evaginavit; utroque cohæredes suos, reges et pontifices armavit, altero reges, altero pontifices; quos non semper in vagina sua voluit teneri, sed et loco ei tempore suo, pro personis, pro causis exigentibus, exerci. Exeri quidem voluit, ut erudiantur indocti, soveantur infirmi, feriantur rebelles, et repellantur superbi. Se solum armavit utroque; utrumque gladium, credo, evaginaret, prælia Dei hominum solus ille præliatur, inferos dimicatur, dæmones triumphatur. Quando de utroque mentio facta est: Domine, inquit, ecce duo gladii hic⁷.

¹ Psal. 83. ² Jer. 7, Matth. 21. ³ Isa. 1. ⁴ Joan. 2. ⁵ Matth. 21. ⁶ Baruch. 3. ⁷ Luc. 22.

Et ipse respondit: **Sufficit**⁸. Duo namque sufficiebant capiti, duo quoque sufficiunt et membris. Sufficit enim in dono Dei, censura curiae regalis et disciplinae rigor pontificalis.

CAP. XIII. Nec vacare credo, quod ille Rex universalis saepe in templum intraverat, ubi multos forte fornicatores, adulteros, homicidas invenerat; quos ad tempus in templo sustinuit; a quo vendentes et ementes festinanter ejecit⁹. Nam cæteri percatores leniter sunt præmonendi, patienter exspectandi, a solis desique pontificibus suis vel vicariis, ut spiritus salvi fierent, eliminandi. Venditores et emptores columbarum, spiritualium: videlicet gratiarum, a quoquaque rege sive pontifice prius in templo reperiantur, lingua, manu, verbis et verberribus, sine mora sunt ejiciendi et expellendi. Quod quanta virtutis animositate Dominus fortis et potens expulit, ostensum est cum, vènditoribus et emptoribus ejectis, oves, et boves, et nummulariorum effudit æs, cathedras et mensas vendentium subvertit, his qui columbas vendebant, dicens: *Aufeate ista hinc, et nolite facere domum Patris mei domum negotiationis*¹⁰.

CAP. XIV. Quid amplius dicam? quid ultra referam? Si pontifices pontificum vitia palpant, si palpata palliant, si coeli sclera celent, si lumina mundi ad videnda facinora cognita oculos occultant, et ocellis inspicunt, si vulneribus inclyti et electi generis auditus aure semisurda medici nobiles prætercunt; dissimulabit quisunque viderit; et quisquis audierit, erit surdus auditor? Si a superficiali clero cleris affligitur, non erit qui clero subveniat? Debet auditor pupillo et orphano? Si gladius alter hebes est, erit hebes uterque? Si jam perit gladius pontificis, erit gladius regis; præsertim hoc tempore, quo mali pisces rete Petri rumpunt, quo unitatem Ecclesie schismata scindunt, quo cupiditas et ambitio Romana Dagon juxta arcam Domini posuit, altare contra altare erexit? Num hoc tempore, cui sufficit malitia¹¹, dormitabit aut dormiet rex Angliæ, rector Aquitaniae? Absit!

CAP. XV. Omne meum super his velle, volo patteat, non celabo. Esset utinam qui domum Dei liberaret, qui in manu forti vendentes et ementes omnes expelleret! Esset utinam qui manum mitteret, non in episcopos, sed in Simoniacos; non in fidei, sed persidia domesticos; non in legislatores, non in clerum, sed in cleri corruptores! Nec credit dominus meus rex, quisquis hoc susurrexit ei, quisquis hoc mentiatur, me vel ira vel odio contra pontifices scripsisse hæc. Non enim in mundo pontifex, cuius ego suus non sim et subditus et servus; ei, nisi præsumpto sit amicum dicere, fidelis amicus. Amicus enim prælatorum, non elatorum; episcoporum, non opiscoporum; non opibus intendentium, sed superius intuentium. In his etiam quæ hucusque, non contra majestatem pastorum, sed

A contra haeresim Simoniacorum, pro tenuissimi mei sensus imbecillitate, contexui; non in nimis, sed in minus quam debui dicendo, me delinquisse cognosco. Nec in prædictis de Simonia dixisse memini, quod licet mulier una pariter dixisse potuisse, si pariter dixisse scisset. Quoniam quamlibet altos de nota sibi Simonia potest etiam accusare vetula, cum fragilis sexus accusationem tantum in hoc solo crimine juvent et roboret sancta decreta, ut licet impetus non possit convincere debilis pars accusantium, se canonice purgare tenentur accusati.

CAP. XVI. Prætaxatos quoque de quibus videtur, nec odio habeo, nec habere debo. Licet enim quod ditior essent non erogarent; quo minus dives essent non irrogarunt. Et si forte in eis quid odivi, perfectum odium fuit; ut non quo facti sunt, sed quod faciunt odissem. Unde dolui et semper doleo. Sed inter cæteros, est dolor unus, cumulus mihi dolorum; quod eos, ut soliti sunt, audio adhuc dare canibus panem filiorum. Haec et cætera dictorum scelera patrum dum video, doleo; qui de malis dolere, non mala dolere queo. Faciam tamen, et facio non quod volo, sed quod valeo. Totum equidem mundum conspicio, et adulatoriis plenus est. Sunt in mundo qui corrumpant multi, vix qui corripiant unus. Abundat oleum ubique, quo pinguestant capita sanctorum; nusquam fere vinum invenitur, quo laventur vulnera sauciatorum. Scio quid faciam, inveni quid agam. Incipiam a modo displicere, ut placeam unius hominibus et Deo. Mea saltæ increpatio contra pseudo non cessabit donec ipsi pseudo, pseudo agere cessaverint. Obscuravi senes et increpavi amplius, sine precibus increpatio fiet. Palpavi putridum, patet ingressus ad vivum. Libellum compagi, sed jam libros concepi. Libellum finio, sed jam libros incipio. Aut illi cessabunt, aut ego non cessabo. Hoc possum, hoc valeo. Mala quoq; detegere, non detergere; referre, non auferre; dolere, non delere. Auferat et deleat, qui potest; velit, qui valet; festinet et faciat rex opera principe digna. Videat, et judicet. Ut auditio per orbem, quod honor regis iudicium diligit: quod justitia et judicium reparatio sedium suarum; Regem glorificant qui in cœlis est. Videant D haec pauperes, et lætentur¹². Videat rex; et cogitat quid sibi scriptum sit, non quis sibi scriptis. Neo regi quisquis dicat, comburendum credit hoc opus; sed magis comburi dignos, qui comburi dignum dixerint. Nec, quia brevitas amica solet esse regibus, haec idcirco cum scriptore scriptura simul unam prolixitatis calumniam patiatur. Quod enim de duobus inceptum, et de multis intellectum est; nonnullis utile faciet ipsa prolixitas, quam nusquam superfluitatis arguet lector attensus. Epistolam quoque facit prolixitas vitiosam, sed ab hoc vitio liber immunis est. Ubi et hoc ipsum, quod extra materiam abundasse cernitur, copioso Dei largitatis esse non ambigitur; quæ indissolubili concordia vinculo,

⁸ Luc. 22. ⁹ Joan. 2. ¹⁰ Ibid. ¹¹ Matth. 6. ¹² Psal. 68.

diversa uni principio copulat. Ipsa etenim quæ multa facit argento venarum suarum principia, unum statuit auro locum ubi confletur; et de medio petrarum sonantium, unam latatur insonuisse vocem, quæ etiam donorum minima suorum, prudenter ad tempus in mente servata, postmodum mirabiliter auget exterius erogata. Hoc enim cætera proprium tenuere sibi Dei munera, ut ipsos etiam habentes, tunc

A abundantius locupletent, quando uberior ea largiuntur; et ipsa magis in se distributa multiplicentur. Ipsum namque Dominum Jesum, alibi quinque, et alibi septem legimus habuisse panes, antequam distribuerentur; at, ubi dari cœperint, satiatis hominum millibus, sportas legimus implevisse et copiphos.

Explicit liber qui initiatitur, QUALES SUNT, editus per venerabilem Petrum Biesenensem.

DE DIVISIONE ET Scriptoribus SACRORUM LIBRORUM.

Vetus Testamentum ideo dicitur quod, veniente Novo, cessavit; de quo et Apostolus meminit dicens: Cætera transferunt, et ecce nova facta sunt¹¹. Testamentum autem Novum ideo nuncupavit quia innovat. Non enim illud dicunt nisi homines revocati ex vetustate per gratiam, et pertinentes jam ad Testamentum Novum, quod est regnum cœlorum. Hebrei autem Vetus Testamentum a Deo auctore juxta litterarum suarum numerum in xxii libros accipiunt, dividentes eos in tres ordines: legis scilicet, prophetarum et hagiographorum. Primus ordo legis est quem in quinque libris accipiunt; quorum primus est Beresith, qui est Genesis; secundus Vellesemot, quod est Exodus; tertius Vaiebra, quod est Leviticus; quartus Vagedaber, quod est Numerus; quintus Elieaddebarim, quod est Deuteronomium. Illi sunt quinque libri Moysi, quos Hebrei Thorah, Latini Legem appellant. Proprie lex autem appellatur quæ per Moysen data est. Secundus ordo est prophetarum, in quo continentur libri octo; quorum primus Josue Ben Nun, quod Latine Iesse Nave dicitur; secundus Sophethiū, quod est Judicum; tertius Samuel, quod est Regum primus; quartus Malachim, quod est Regum tertius et quartus; quintus Isaías; sextus Jeremias; septimus Ezechiel; octavus There-asar, qui dicitur xii Prophetarum; qui libri, quia sibi pro brevitate adjuncti sunt, pro uno accipiuntur. Tertius hagiographorum, id est sancta scribentium, in quo sunt libri novem. Quorum primus Job, secundus Psalterium; tertius Massot, quod est Proverbia Salomonis; quartus Coheleth, quod est Ecclesiastes; quintus Sir-assirini, quod est Canticum cantorum; sextus Daniel, septimus Dibrehajamin, quod est verba dierum, hoc est Paralipomenon; octavus Esdras; nonus Esther. Qui simul omnes quinque et octo novem sunt viginti et duo, sicut superius comprehensi sunt. Quidam autem Ruth et Cinoth, quod Latine dicitur

B lamentationes Jeremiæ, hagiographis adjiciunt. Viginti quatuor volumina Testamenti Veteris faciunt juxta viginti quatuor seniores qui ante conspectum Dei assistunt¹². Quartus est apud nos ordo Veteris Testamenti eorum librorum qui in canone Hebreorum non sunt. Quorum primus Sapientiæ liber est, secundus Ecclesiasticus, tertius Tobias, quartus Judith, quintus et sextus Machabæorum; quos, licet Judæi inter apocrypha separant, Ecclesia tamen Christi inter divinos libros et honorat et prædicat. In Novo autem Testamento duo sunt ordines: Primus evangelicus, in quo sunt Matthæus, Marcus, Lucas, Joannes; secundus Apostolicus, in quo sunt Paulus in quatuordecim Epistolis, Petrus in duabus, Joannes tribus, Jacobus et Judas in singulis, Actus apostolorum et Apocalypsis. Summa autem utriusque Testimenti trifarie distinguitur, in historia, in moribus, in allegoria. Rursum ista tria multifarie dividuntur: quid a Deo, quid ab angelis et ab hominibus gestum denique sit; quid a prophetis nuntiatum de Christo et corpore ejus; quid de diabolo et membris ejus; quid de veteri et novo populo; quid de præsenti et futuro sæculo, regno atque iudicio.

Veteris Testimenti secundum Hebræorum traditionem hi perhibentur auctores: Primus Moyses, qui divinæ historiæ cosmographiam, id est mundi scripturam, in quinque voluminibus edidit, et Pentateuchon cognominatur. Pentateuchus autem quinque volumina dicitur. Fenta enim Græce, quinque; teuchus *volumen* dicitur. Genes autem liber Beresith appellatur, eo quod exordium mundi, et generatio sæculi in eo contineatur. Exodus vero exitum de Ægypto vel egressum populi Israel digerit, et ex ea causa nomen accepit. Leviticus appellatur, eo quod levitarum ministeria et diversitatem victimarum exsequitur, totusque in eo ordo Leviticus annotatur. Numerorum liber vocatur, eo quod in eo

¹¹ II Cor. 5. ¹² Apoc. 4.